





藏園主人庚申一歲中得宋本禮記釋文  
羣經音辨龍龕手鑑隋書通典水經注  
輿地廣記歐陽文忠公居士集蘇文定公集  
豫章先生集劍南詩藁汲古閣景宋本  
唐國史補何義門校宋本淮南子穴硯齋  
寫本戰國策萬曆七年大統曆以嘉平月  
二十有二日為祭書之會循年例也與祭者  
仁和吳昌綬汾陽王式通武進董康陽湖



陶湘長白彥惠蕭山朱文鈞海寧張宗  
祥吳興徐鴻寶浚陽張恂張允亮

吳江沈兆奎題記

此書為沈兆奎所藏  
沈兆奎字子佩  
吳江人  
題記



隋書目錄

帝紀五卷

第一卷

高祖上

第二卷

高祖下

第三卷

煬帝上

第四卷

煬帝下

第五卷

恭帝

志三十卷





第二卷

禮儀二

第三卷

禮儀三

第四卷

禮儀四

第五卷

禮儀五

第六卷

禮儀六

第七卷

禮儀七

第八卷

音樂上

第九卷

音樂中

第十卷

音樂下

第十一卷

律曆上

第十二卷

律曆中

第十三卷

律曆下

第十四卷

天文上

天文下



天文中  
第十六卷

天文下

第十七卷

五行上

第十八卷

五行下

第十九卷

食貨

第二十卷

刑法

第二十一卷

百官上

第二十二卷

百官中

第二十三卷

百官下

第二十四卷

地理上

第二十五卷

地理中

第二十六卷

地理下

第二十七卷

經籍一

第二十八卷

經籍二

第二十九卷



經籍三子

第三十卷

經籍四集 道經佛經

列傳五十卷

第一卷

后妃

第二卷

李穆

子穆 弟崇 穆兄子論 崇子敏

梁睿

第三卷

劉昉

鄭譯

皇甫績

盧賁

第四卷

于義

子宣道 宣敏

陰壽

子世師 骨儀附

竇榮定

元景山

源雄

豆盧勣

子敏通

賀若誼

第五卷

梁士彥

宇文忻

王誼

元諧

王世積

虞慶則

元胄

第六卷

高頴

蘇威

子夔

第七卷

李德林

第八卷



河間王弘 子慶

楊虔 弟

楊子崇

觀德王雄 弟達

第九卷

滕穆王瓚 嗣王綸

道悼王靜

衛昭王爽 嗣王集

蔡王智積

第十卷

文四子

第十一卷

趙暎

趙芬

楊尚希

長孫平

元暉

韋師

楊昇

蘇孝慈

李雄

張明

第十二卷

韋世康 弟洗 藝冲 從父弟壽

柳機 子述 機弟且肅 從弟維亮 從子譽之 族兄昂

第十三卷

楊素 弟約 從父文思 文紀

第十四卷

牛弘

第十五卷

宇文慶

李禮成

元孝矩 弟襄

郭榮

龐晃

李安

第十六卷

長孫覽 從子熾 熾弟晟

第十七卷

韓擒 弟僧壽

賀若弼

第十八卷



達奚長儒

史萬歲

賀婁子真

劉方

第十九卷

王長述

李衍

伊婁謙

田仁恭

元亨

杜整

李徹

崔彭

第二十卷

杜彥

高勣

尔朱敞

周搖

獨孤楷

乞伏慧

張威

和洪

侯莫陳穎

第二十一卷

盧愷

令狐熙

薛冑

宇文敷

張衡

楊汪

第二十二卷

慮思道

季元操

薛道衡

從父兄昌衡  
從弟

第二十三卷

明克讓

魏儋

陸爽

侯白

杜臺

辛惠源

柳晉

許善心

李文博

第二十四卷

楊三子

第二十五卷



崔仲方  
段文振

第二十六卷

宇文述

郭衍

第二十七卷

王韶

元巖

劉行本

梁毗

柳彧

趙綽

裴肅

第二十八卷

樊子蓋

史祥

元壽

楊義臣

衛玄

劉權

第二十九卷

李圓通

陳茂

張定和

張奩

麥鐵杖

沈光

來護兒

魚俱羅

陳稜

王辯 斛斯萬善

第三十卷

周羅暉

周法尚

李景

慕容三藏

薛世雄

王仁恭

權武

吐萬緒

董純

趙才

第三十一卷

李譔

鮑宏

裴政

卯生



源師

郎茂

高構

張虔威

榮毗

陸知命

房彥謙

第三十二卷

虞世基

裴蘊

裴矩

第三十三卷

宇文愷

閻毗

何稠

第三十四卷

王劭

表充

第三十五卷

楊玄感

李子建 趙元順 謝斯文 劉元順

李密

裴仁基

第三十六卷

誠節

劉弘

皇甫誕 陶模 楊劍

游元

馬慈明

張須陁

楊善會

獨孤盛

元文都

盧楚

劉子翊

堯君素

陳孝意 張季珣 松贊

第三十七卷

孝義

陸彥師

田德懋

薛濬

王頌

楊慶

郭雋

田翼

紐回

劉仕雋

郎方貴

翟普林

李德亮



華秋

徐孝廉

第三十八卷 補史

梁彦光

樊叔略

趙軌

房恭懿

公孫景茂

辛公義

柳儉 郭絢 蜀蕭

劉曠

王伽

魏德深

第三十九卷 酷吏

庫狄士文

田式

燕榮

趙仲卿

崔弘度 弟弘昇

元弘嗣

王文回

第四十卷 儒林

元善

辛彥之

何妥 善論 該 包愷

房暉遠

馬光

劉焯 顧彪 魯世達

劉炫 善論 張冲 王孝籍

第四十一卷 文學

劉臻

王頰

崔儵

諸葛穎

孫萬壽

王貞

虞綽

王胄

庾自直

潘徽

杜正玄 弟正藏

第四十二卷 隱逸

李士謙

崔廓 子曠

徐則

張文詡

第四十三卷 藝術



庾季才子賢

盧太真

耿詢

韋鼎

來和

蕭吉

楊伯醜

臨孝恭

劉祐

張胄玄

許智藏

萬寶常

第四十四卷 外戚

獨孤羅弟處

蕭歸子宗弟處

第四十五卷 列女

蘭陵公主

南陽公主

襄城王妃

華陽王妃

譙國夫人

鄭善果母

孝女王舜

韓觀妻

陸護母

劉昶女

鍾士雄母

孝婦覃氏

元務光母

裴倫妻

趙元楷妻

第四十六卷 東夷

高麗

百濟

新羅

靺鞨

流求

倭國

第四十七卷 南蠻

林邑

赤土

真臘

婆利

第四十八卷 西域

吐谷渾

党項

高昌

康國

安國

石國



女國

龜茲

于闐

吐火羅

米國

曹國

烏那曷

波斯

附國

第四十九卷

突厥

鐵勒

契丹 韓 鞠 室 韃

第五十卷

焉耆

疎勒

鍺汗

掘怛國

史國

何國

穆國

漕國

西突厥

奚

宇文化及 弟智及 裴虔通 烏德其

王元 段達

隋書目錄終



帝紀第一

隋書一

特進臣魏徵上

高祖上

高祖文皇帝姓楊氏諱堅弘農郡華陰人也漢太尉震八代孫鉉  
 仕燕為北平太守鉉生元壽後魏代為武川鎮司馬子孫因家焉  
 元壽生太原太守惠嘏嘏生平原太守烈烈生寧遠將軍禎禎  
 生忠忠即皇考也皇考從周太祖起義關西賜姓普六茹氏位至  
 柱國大司空隋國公薨贈太保諡曰桓皇妣呂氏以大統七年六月  
 癸丑夜生高祖於馮翊般若寺紫氣充庭有尼來自河東謂皇妣  
 此兒所從來甚異不可於俗間處之尼將高祖舍於別館躬自  
 撫養 王妣嘗抱高祖忽見頭上角出徧體鱗起皇妣大駭墜高祖  
 於地及自外入見曰已驚我兒致令晚得天下為人龍顏額有五柱  
 入目光外射有文在手曰王長上短下沈深嚴重初入太學雖至  
 此不敢狎也年十四京兆尹薛善辟為功曹十五以太祖勳受



加開府周太祖見而歎曰此兒風骨不似代閒人明帝即位授  
左小官伯進封大興郡公帝嘗遣善相者趙昭視之昭說對曰不  
過作國耳既而陰謂高祖曰公當為天下君必大誅殺而後定  
吾記言武帝即位遷左小官伯出為隋州刺史進位大將軍後  
徵還遇皇妣寢疾三年晝夜不離左右代稱純孝宇文護執政  
尤忌高祖屢將害焉大將軍侯伏侯壽等匡護得免其後襲爵  
隋國公武帝娉高祖長女為皇太子妃益加禮重齊王憲言於帝  
曰普六茹諱相貌非常臣每見之不覺自失恐非人下請早除之帝  
曰此止可為將耳內史王軌驟言於帝曰皇太子非社稷主普六茹  
諱貌有反相帝不悅曰必天命有在將若之何高祖甚懼深自晦  
匿建德中率水軍三萬破齊師於河橋明年從帝平齊進位柱國  
與宇文憲破齊任城王高潛於冀州除定州總管先是定州城西  
門久閉不行齊文宣帝時或請開之以便行路帝不許曰當有聖

人來啓之及高祖至而開焉莫不驚異尋轉亳州總管宣帝即位  
以后父徵拜上柱國大司馬大象初遷大後丞右司武俄轉大前疑  
每巡幸恒委居中時帝為刑經聖制其法深刻高祖以法令滋  
章非興化之道切諫不納高祖位望益隆帝頗以為忌帝有四幸  
姬並為皇后諸家爭寵數相毀譖帝每忿怒謂后曰必族滅爾  
家因召高祖命左右曰若色動即殺之高祖既至容色自若乃止  
大象二年五月以高祖為揚州總管將發暴有足疾不果行乙未  
帝崩時靜帝幼冲未能親理政事內史上大夫鄭譯御正大夫劉  
昉以高祖皇后之父衆望所歸遂矯詔引高祖入摠朝政都督內  
外諸軍事周氏諸王在藩者高祖恐其生變稱趙王招將嫁女於  
突厥詞以徵之丁未發喪庚戌周帝拜高祖假黃鉞左大丞相百  
官總上而聽焉以正陽宮為丞相府以鄭譯為長史劉昉為司馬具  
一寮佐宣帝時刑政苛酷羣心崩駭莫有固志至是高祖大崇  
文法今隋簡躬履節儉天下悅之六月趙王招陳王純暹王



王威用王道並至于長安柱州摠管尉遲迥自以重臣宿將  
能平遂舉兵東夏趙魏之士從者若流旬日之間衆至十餘  
萬又宇文胄以榮州石慈以建州席毗以沛郡毗弟又羅以兗州  
皆於迥迥遣子質於陳以請援高祖命上柱國鄭國公韋孝寬  
討之雍州牧畢王賢及趙陳等五王以天下之望歸於高祖因謀  
作亂高祖執賢斬之寢趙王等之罪因詔五王劔履上殿入朝不  
趨用安其心七月陳將陳紀蕭摩訶等寇廣陵吳州摠管子瑱轉  
擊破之廣陵人杜喬生聚衆反刺史元義討平之韋孝寬破尉遲  
迥於相州傳首闕下餘黨悉平初迥之亂也鄭州摠管司馬消難據  
州響應淮南州縣多同之命襄州摠管王詎討之消難奔陳荆郢  
羣蠻乘輿作亂命亳州摠管賀若詎討平之先是上柱國王謙  
爲益州摠管既見幼主在位政由高祖遂起巴蜀之衆以匡復爲  
辭高祖方以東夏山南爲事未遑致討謙進兵屯劔閣陷始州至  
是乃命行軍元帥上柱國梁睿討平之傳首闕下巴蜀阻險人好

爲亂於是更開平道毀劔閣之路立銘垂戒焉五王陰謀滋甚高  
祖齎酒肴以造趙王第欲觀所爲中以宴高祖高祖幾危  
賴元胄以濟語在胄傳於是誅趙王招越王盛九月以世子勇爲  
洛州摠管東京小冢宰壬子周帝詔曰假黃鉞使持節左大丞相  
都督內外諸軍事上柱國大冢宰隋國公諱感山河之靈應星辰  
之氣道高雅俗德協幽顯釋巾登仕搢紳傾屬開物成務朝野  
承風受詔先皇弼諧眞薄合天地而生萬物順陰陽而撫四夷近  
者內有艱虞外間妖寇以鷹鷂之志運帷帳之謀行兩觀之誅掃  
萬里之外遐邇清肅實所賴焉四海之廣百官之富俱稟大訓咸  
至道治定功成棟梁斯託神猷盛德莫二於時可授大丞相罷  
左右相之官餘如故冬十月壬申詔贈高祖曾祖烈爲柱國太保  
如 亮等十州諸軍事徐州刺史隋國公諡曰康祖復爲柱國  
太 都督陝蒲等十三州諸軍事同州刺史隋國公諡曰獻考忠  
注國大冢宰都督異定等十三州諸軍事雍州文



二月甲子周帝詔曰天大地大合其德者聖人一陰一陽調  
上宰所以降神載誕陶鑄羣生代蒼蒼之工成巍巍之業  
使持節大丞相都督內外諸軍事上柱國大冢宰隋國公  
百代之期當千齡之運家隆台鼎之盛門有明贊之勤心同伊尹  
必致堯舜情類孔丘憲章文武爰初入仕風流映世公卿仰其軌物  
摯紳謂為師表入處禁闈出居藩政芳猷茂績問望彌遠生乎  
東夏人情未安燕南趙北寔為天府擁節杖旄任當連率柔之  
以德導之以禮畏之若神仰之若日芳風美迹哥頌獨存淮海榛  
蕪多歷年代作鎮南鄙選眾推賢威震殊俗化行黔首任掌鈞  
陳職司邦政國之大事朝寄更深鑿駕巡遊留臺務廣周公陝  
西之任僅可為倫漢臣關內之重未足相況及天崩地坼先帝升  
遐朕以眇年奄經荼毒親受顧命保大皇家茲人乘隙潛圖宗  
社無君之意已成竊發之期有日英規潛運大略川迴匡國庇人

罪人斯得兩河溝亂三魏稱兵半天之下洶洶鼎沸祖宗之基已  
慮生人之命將忘安陸作界南通吳越蜂飛蠱聚江漢騷然巴  
蜀鴟張鸞將問鼎秦塗更阻漢門重閉畫籌惟帳建出師車諸  
將稟其謀壯士感其義不違時日咸得清蕩九功速被七德允諧  
百僚師師四門穆穆光景照臨之地風雲去來之所允武允文幽  
明同德驟山驟水遐邇歸心使朕繼踵上皇無為以治聲高宇  
宙道格天壤伊尹輔殷霍光佐漢方之蔑如也昔營丘曲阜地多  
諸國重耳小白錫用殊禮蕭何優贊拜之儀番君越公侯之爵  
劉以降代有令謨宜崇典禮憲章自昔可授相國摠百揆去都督  
內外諸軍事大冢宰之號進公爵為王以隋州之崇業鄭州之  
安陸陽溫州之宜人應州之平靖上明順州之淮南士州之永川  
貞昌安昌申州之義陽淮安息州之新蔡建安豫州之汝  
廣寧初安蔡州之蔡陽郢州之漢東二十郡為隋國劍履  
入朝不遺贊拜不名備九錫之禮加璽綬遠遊冠相國印



王爵十郡而已詔進皇祖考爵並為王夫人為王妃辛巳司  
以陳師寇江州刺史成休寧擊却之大定元年春二月壬  
今 前賜姓皆復其舊是日周帝詔曰伊周作輔不辭殊禮  
易相文為霸允應異物之典所以表格天之勳彰不代之業相國  
有王前加典策式昭大禮固守謙光絲言未綽宜申顯命一如往  
言王功必先人賞存後已退讓為本誠乖朕意宜命百辟盡詣王宮  
衆心克感必令允納如有表奏勿復通聞癸丑文武百官詣閣敦勸  
高祖乃受甲寅策曰咨爾假黃鉞使持節大丞相都督內外諸軍  
事上柱國大冢宰隋王天覆地載藉藉人事以財成日往月來由王  
道而盈昊五氣陶鑄萬物流形誰代上立之工斯則人聖而已曰  
惟先正胡亮皇朝種德積善載誕上相精采不代風骨異人匡國  
濟時除凶撥亂百神奉職萬國宅心躬相以先知悟人周輔乃弘  
道於代方斯蔑如也今將授王典禮其苟聽朕命朕以不德早承

不緒上靈降禍夙遭愍凶妖醜覲窺密圖社稷官省之內疑慮驚心  
公受命先皇志在匡弼輯諧內外潛運機衡姦人懾憚謀用不顯  
俾贅旒之危為太山之固是公重造皇室作霸之基也伊我祖考  
之代任寄已深入掌禁兵外司藩政文經武略久播朝野戎軒大  
舉長驅晉魏平陽震熊羆之勢異部耀貔豹之威初平東夏人  
情未一叢臺之北易水之南西距井陘東至滄海比數千里舉袂  
如帷委以連城建旂杖節教因其俗刑用輕典如泥從印猶草隨  
風此又公之功也吳越不賓多歷年代淮海之外時非國有爰整其  
旅出鎮於亳武以威物文以懷遠羣盜自奔外戶不閉人黎慕義  
不負而歸自北之風化行南國此又公之功也宣帝御寓任重宗臣  
人曲 屯外司九伐禁衛勤巡警之務治兵得蒐狩之禮此又公  
鑾駕遊幸頻委留臺文武注意軍國諮稟萬事咸理反  
無憂此又公之功也朕在諒闇公實摠已盤石之崇茲茲回者衆  
一無 結羣小往者國衰甫爾已割舍謀債惡數句



宗廟以寧此又公之功也局延猖狂稱兵  
指北關強弩而圍南斗馮陵三魏之間震蕩九州之半聚徒  
成蛇豕淇水汨水一飲而竭人之死生翻繫凶豎壽之長  
短不司命公乃戒彼鷹揚出車練卒誓蒼兕於河朔建瓴水於  
東口授兵書手畫行陣量敵制勝指日剋期諸將遵其成言壯  
士感其大義輕死忘生轉鬪千里旗鼓奮發如火燎毛玄黃變漳  
河之水京觀比爵臺之峻百城氛稜一旦廓清此又公之功也青  
土連率跨據東秦藉負海之饒倚連山之險望三輔而將逐鹿指  
六國而願連雞風雨之兵助鬼為虐本根既拔枝葉自殞屈法申  
恩示以大信此又公之功也申部殘賊充斥一隅蠅飛蟻聚攻州  
略地播以玄澤迷更知反服而捨之無費遺鏃此又公之功也字  
文宵親則宗枝外藩巖邑影響鄰賊有同就燥迫脅吏人叛換  
城戎偏師討賊遂入網羅東之武牢有同囹圄事窮將軍如伏國  
刑此又公之功也檀讓席毗擁衆河外陳韓梁鄭宋衛鄒魯皆落

成梟獍之墟人庶為犴狼之餌強以陵弱大則吞小城有書閉巷  
無行人授律出師隨機掃定讓既授首毗亦梟懸此又公之功也  
司馬消難與國親姻作鎮安陸性多嗜欲意好貪聚屬城子女劫  
掠靡餘部人貨財多少俱罄擅誅刺舉之使專殺儀台之臣懼罪  
畏威動而內憂蠶食郡縣鳩毒華夷聞有王師自投南裔帝唐崇  
山之罰僅可方此大漢派禦之刑是亦相匹逋逃入藪荆郢用安  
此又公之功也王謙在蜀翻為厲階閉劍閣之門塞靈關之宇自  
謂五丁復起萬夫莫向分闢推轂嘗不踰時風馳席卷一舉大定  
擒斬兇惡掃地無遺此又公之功也陳頊因循偽業自擅金陵屢  
遣醜徒越起江北公指麾藩鎮無不摧殄方置文深之柱非止尉  
佗之此又公之功也公有濟天下之勤重之以明德始於辟命  
庸素業清微聲掩廊廟雄規神略氣蓋朝野序百揆而  
所恥一匡之舉九合尊賢崇德尚齒貴功錄舊旌善興亡繼  
地猛濟彝倫攸序敦睦帝親崇獎王室星象不圻



六視也如奉太公之召兩師風伯似應或王之宰祥風  
西林瑞獸異禽遊園鳴閣至功至德可大可久盡品物之和究  
極朕又聞之昔者明王設官胙土營丘四履得征五侯參  
墟館異其禮物故藩屏作固垂拱責成沈嘿巖廊不下堂席  
道高往列賞薄前王朕以眇身託于兆人之上求諸故實甚用  
懼焉往加大典憲章在昔謙以自牧未應朝禮日月不居便已隔  
歲時談物議其謂朕何今進授相國摠百揆以申州之義陽等二  
十郡為隋國今命使持節太傅上柱國杞國公椿大宗伯大將軍  
金城公趙明授相國印綬相國禮絕百辟任摠羣官舊職常典宜  
與事革昔堯臣太尉舜佐司空姬且相周霍光輔漢不居藩國唯  
在天朝其以相國摠百揆去衆號焉上所假節大丞相大家宰印  
綬又加九錫其敬聽朕後命以公執律脩德慎獄恤刑為其訓範  
人無異志是用錫公大輅戎輅各一立杜二駟公勤心地利所寶  
人天崇本務農公私躬阜是用錫公衮冕之服赤鳥副焉公樂以

穆風雅以變俗遐邇胥悅天地咸和是用錫公軒懸之樂六佾之  
舞公仁風德教覃及海隅荒忽幽遐回首內向是用錫公朱戶以  
居公水鏡人倫銓衡庶職能官流詠遺賢必舉是用錫公納陛以  
登公執鈞於內正性率下犯義無禮罔不屏黜是用錫公武賁之  
士三百人公元本闕是用錫公鈇鉞各一公威嚴夏日精厲秋霜猶夏  
必誅顧眄天壤掃清茲允折衝無外是用錫公彤弓一彤矢百盧  
弓十盧矢千惟公孝通神明肅恭祀典尊嚴如在情切幽明是用  
錫公秬鬯一卣珪瓚副焉隋國置丞相以下一遵舊式往欽哉其  
敬循往策祗服大典簡恤爾庶功對揚我太祖之休命於是建臺  
置官景辰詔王冕十有二旒建天子旌旗出警入蹕乘金根車駕  
六馬五時副車置旄頭雲罕樂舞八佾設鍾虡宮懸王妃為王  
為太子前後三讓乃受俄而周帝以衆望有歸乃下詔曰  
摩闢樹之以君有命不恒所輔惟德天心人事選賢與能盡  
而惟非一人而獨有周德將盡妖孽滅生骨肉



實影 平同惡過半區宇或大或大區帝區王則我相

如線相國隋王睿聖自天英華獨秀刑法與禮儀同運文德共

遠愛萬物其如己任兆庶以為憂手運機衡躬命將士受

夷茲 刷蕩氛棧化通冠帶威震幽遐虞舜之大功二十未足相

以姬發之合位三五豈可足論況木行已謝火運既興河洛出華

命之符星辰表代終之象煙雲改色笙簧變音獄訟咸歸謠哥盡

至且天地合德日月貞明故以稱大為王照臨下土朕雖寡昧未

達變通幽顯之情皎然易識今便祗順天命出遜別宮禪位於隋

一依唐虞漢魏故事高祖三讓不許遣兼太傅上柱國杞國公椿

奉冊曰咨爾相國隋王粲若上古之初爰啓清濁降符授聖為天

下君事上帝而理兆人和百靈而利萬物非以區寓之富未以宸

極為尊大庭軒轅以前驪連赫胥之日咸以無為無欲不將不迎

遐哉其辭不可聞已厥有載籍遺文可觀聖莫逾於堯美未過於

舜堯得大尉已作運衡之篇舜遇司空便敘精華之竭彼褰裳脫

履貳宮設饗百辟歸禹若帝之初斯蓋上則天時不敢不授下祗

天命不可不受湯代於夏武革於殷干戈揖讓雖復異揆應天順

人其道靡異自漢迄晉有魏至周天曆遂獄訟之歸神鼎隨謳哥

之去道高者稱帝錄盡者不王與夫文祖神宗無以別也周德將

盡禍難頻興宗戚茲回咸將竊發顧瞻宮闕將圖宗社藩維連

率逆亂相尋搖蕩三方不合如礪蛇行鳥攫投足無所王受天明

命敬德在躬救頽運之艱匡墜地之業拯大川之溺撲燎原之火

除羣凶於城社廓妖氛於遠服至德合於造化神用洽於天壤八

極九野萬方四裔圓首方足罔不樂推往歲長星夜掃經天晝見

八風比夏后之作五緯同漢帝之聚除舊之徵昭然在上近者未

雀也 社玄龜效靈鍾石變音蛟魚出穴布新之貺煥焉在下九區

自靈協贊人神屬望我不獨知仰祗皇靈俯順人願今躬

帝位禪於爾躬天祚告窮天祿永終於戲王宜允執厥和儀刑

訓并 立而勒蒼昊銜皇極而撫黔黎副率土之心



高祖乃受焉  
高祖乃受焉

二年二月甲子上自相府常服入宮備禮即皇帝位於臨光  
殿於南郊遣使柴燎告天是日告廟大赦改元京師慶雲見  
易周氏官儀依漢魏之舊以柱國相國司馬勃海郡公高頊為尚  
書左僕射兼納言相國司錄沁源縣公虞慶則為內史監兼吏部  
尚書相國內郎咸安縣男李德林為內史令上開府漢安縣公章  
世康為禮部尚書上開府義寧縣公元暉為都官尚書開府民部  
尚書昌國縣公元巖為兵部尚書上儀同司宗長孫毗為工部尚  
書上儀同司會楊尚希為度支尚書上柱國雍州牧邦國公楊惠  
為左衛大將軍乙丑追尊皇考為武元皇帝廟號太祖皇妣為元  
明皇后遣八使巡省風俗具寅修廟社立王后獨孤氏為皇后王  
太子勇為皇太子丁卯以大將軍金城郡公趙明為尚書右僕射  
上開府濟陽侯伊婁彥恭為左武侯大將軍己巳以周帝為介國

公邑五千戶為隋室賓旌旗車馬禮樂一如其舊上書不為表表  
表不稱詔周氏諸王盡降為公辛未以皇弟同安郡公爽為雍州  
牧乙亥封皇弟邵國公慧為滕王同安公爽為衛王皇子鴈門公  
諱為晉王俊為秦王秀為越王諒為漢王以上柱國并州總管申  
國公李穆為太師上柱國鄧國公實熾為太傅上柱國幽州總管  
任國公于翼為太尉觀國公田仁恭為太子太師武德郡公柳敏  
為太子太保濟南郡公孫恕為太子少傅開府蘇威為太子少保  
丁丑以晉王諱為并州總管以陳留郡公楊智積為蔡王興城郡  
公楊靜為道王戊寅以官牛五千頭分賜貧人三月辛巳高平獲  
赤雀太原獲蒼鳥長安獲白雀各一宣仁門槐樹連理衆枝內附  
壬午勺狼國獻方物甲申太白晝見乙酉又晝見以上柱國元景  
為上開府當亭縣公賀若弼為楚州總管和州刺史新義縣公  
為上開府當亭縣公賀若弼為楚州總管和州刺史新義縣公  
為上開府當亭縣公賀若弼為楚州總管和州刺史新義縣公



武君 實報為定 其管以成以子少保蘇威美  
書餘官如故庚子詔曰自古帝王受終革代建侯錫爵多與  
應錄受圖君臨海內載懷浴革事有不同然則前帝後王  
俱在 濟立功立事爵賞仍行苟利於時其致一揆何謂物我之  
異無計今古之殊其前代品爵悉可依舊丁未梁主蕭歸使其太  
宰蕭巖司空劉義來賀四月辛巳大赦壬午太白歲星晝見戊戌  
太常散樂並放為百姓禁雜樂百戲辛丑陳散騎常侍韋鼎兼通  
直散騎常侍王瑳來聘于周至而上巳受禪致之介國是月發稽  
胡修築長城二旬而罷五月戊子封邗國公楊雄為廣平王永康  
郡公楊弘為河間王辛未介國公薨上舉哀於朝堂以其族人洛  
嗣焉六月癸未詔以初受天命赤雀降祥五德相生赤為火色其  
郊及社廟依服冕之儀而朝會之服旗幟犧牲盡令尚赤戎服以  
贄秋七月乙卯上始服黃百寮畢賀庚午靺鞨酋長貢方物八月  
壬午廢東京官突厥阿波可汗遣使貢方物甲午遣行軍元帥樂

安公元諧擊吐谷渾於青海破而降之九月戊申戰亡之家遣使  
振給庚午陳將周羅睺攻陷胡墅蕭摩訶寇江北辛未以越王秀  
為益州總管改封為蜀王壬申以上柱國薛國公長孫覽上柱國  
宋安公元景山並為行軍元帥以伐陳仍命尚書左僕射高穎節  
度諸軍突厥沙鉢略可汗遣使貢方物是月行五銖錢冬十月乙  
酉百濟王扶餘昌遣使來賀授昌上開府儀同三司帶方郡公戊  
子行新律壬辰行幸岐州十一月乙卯以永昌郡公竇榮定為右  
武侯大將軍丁卯遣兼散騎侍郎鄭撫使於陳己巳有流星聲如  
噴牆光燭于地十二月戊寅以申州刺史尔朱敞為金州總管甲  
申以禮部尚書韋世康為吏部尚書己丑以柱國元褒為鄜州總  
管與九郡公衛玄為淮州總管庚子至自岐州戊寅高麗王高陽  
貢授陽大將軍遼東郡公太子太保柳敏卒  
春正月癸丑幸上柱國王詔第庚申幸安成長公主第陳宣  
子 立辛酉置河上道行臺尚書省於并州以晉王暹為



令置南道行臺尚書省於洛州以秦王俊為尚書令置西  
臺尚書省於益州以蜀王秀為尚書令戊辰陳遣使請和  
聖辛未高麗百濟並遣使貢方物甲戌詔舉賢良二月己  
丑詔高頊等班師庚寅以晉王諱為左武衛大將軍秦王俊為右武  
衛大將軍餘官並如故辛卯幸趙國公獨孤陀第庚子京師雨土  
三月戊申開渠引杜陽水於三時原四月丁丑以寧州刺史竇榮  
定為左武侯大將軍庚寅大將軍韓僧壽破突厥於雞頭山上柱  
國李充破突厥於河北山五月戊申以上柱國開府長孫平為度  
支尚書己酉早上親省囚徒其日大雨己未高寶寧寇平州突厥  
入長城庚申以豫州刺史皇甫績為都官尚書壬戌太尉任國公  
于翼薨甲子改傳國璽曰受命璽六月壬午以太府卿蘇孝慈為  
兵部尚書雍州牧衛王爽為原州總管甲申使使弔於陳國乙酉  
上柱國李充破突厥於馬邑戊子以上柱國叱李長文為蘭州總  
管辛卯以上開府尔朱敞為涼州總管景申詔曰朕祇奉上玄君

臨萬國屬生人之弊處前代之官常以為作之者勞居之者逸改  
創之事心未遑也而王公大臣陳謀獻策咸云羲農以降至于姬  
劉有當代而屢遷無革命而不徙曹馬之後時見因循乃末代之  
宴安非往聖之宏義此城從漢彫殘日久屢為戰場舊經喪亂今  
之宮室事近權宜又非謀筮從龜瞻星揆日不足建皇王之邑合  
大眾所聚論變通之數具幽顯之情同心固請詞情深切然則京  
師百官之府四海歸向非朕一人之所獨有苟利於物其可違乎  
且殷之五遷恐人盡死是則以吉凶之土制長短之命謀新去故  
如農望秋雖暫劬勞其究安宅今區宇寧一陰陽順序安安以遷  
勿懷胥怨龍首山川原秀麗卉物滋阜卜食相土宜建都邑定鼎  
一基固無窮之業在斯公私府宅規模遠近營構資費隨事條  
石僕射高頊將作大匠劉龍鉅鹿郡公賀婁子幹太府少  
卿等創造新都秋八月癸巳以左武侯大將軍竇榮定為  
月癸酉皇太子勇也



不效... 殿賜錢帛... 任其自取盡力而出... 辛卯以營... 都...  
... 子幹為工部尚書十一月景午高麗遣使獻方物十二月  
... 武於後園甲戌上柱國竇毅卒景子名新都曰大興城  
乙酉... 沁源公虞慶則屯弘化備胡突厥寇周槃行軍總管達奚  
長儒擊之為虜所敗景戌賜國子生經明者束帛丁亥親錄囚徒  
三年春正月庚子將入新都大赦天下禁大刀長稍癸亥高麗遣  
使來朝二月己巳朔日有蝕之王申宴北道勳人癸酉陳遣兼散  
騎常侍賀徹兼通直散騎常侍蕭褒來聘突厥寇邊甲戌涇陽獲  
毛龜癸未以左衛大將軍李禮成為右武衛大將軍三月丁未上  
柱國鮮虞縣公謝慶恩卒己酉以上柱國達奚長儒為蘭州總管  
景辰雨常服入新都京師醴泉出丁巳詔購求遺書於天下庚申  
宴百寮班賜各有差癸亥城榆關夏四月己巳上柱國建平郡公  
于義卒庚午吐谷渾寇臨洮洮州刺史皮子信死之辛未高麗遣  
使來朝壬申以尚書右僕射趙明兼內史令丁酉以滕王瓚為雍

州牧己卯衛王爽破突厥於白道庚辰行軍總管陰壽破高寶  
寧於黃龍甲申早上親祀兩師於國城之西南景戌詔天下勸學  
行禮以濟北郡公梁遠為汝州總管己丑陳郢州城主張子譏遣  
使請降上以和好不納辛卯遣兼散騎常侍薛舒兼通直散騎常  
侍王劭使於陳癸巳上親幸甲午突厥遣使來朝五月癸卯行軍  
總管李見破突厥於摩那渡口甲辰高麗遣使來朝乙巳梁太子  
蕭琮來賀遷都丁未韃靼貢方物戊申幽州總管陰壽卒辛酉有  
事於方澤壬戌行軍元帥竇榮定破突厥及吐谷渾於涼州景寅  
赦黃龍死罪己下六月庚午以衛王爽子集為遂安郡王戊寅突  
厥遣使請和庚辰行軍總管梁遠破吐谷渾於尔汗山斬其名王  
壬申... 晉州刺史燕榮為青州總管己丑以河間王弘為寧州總  
... 安成長公主第秋七月辛丑以豫州刺史周岳為幽州  
... 戊詔曰行仁蹈義名教所先厲俗敦風宜見褒獎往者山  
... 妖亂孤成... 金齊... 守杜... 與...



神省事范臺致傾產營免其戮辱眷言誠實有可  
賞用明沮勸臺致可大都督假湘州刺史丁卯日有鮪  
一丑靺鞨貢方物巳卯以右武衛大將軍李禮成爲襄州  
摠管二午遣尚書左僕射高潁出寧州道內史監虞慶則出原州  
道並爲行軍元帥以擊胡戎子午有事於太社九月壬子幸城東  
觀稼穀癸丑大赦天下冬十月甲戌廢河南道行臺省以秦王俊  
爲秦州摠管十一月己酉發使巡省風俗因下詔曰朕君臨區宇  
深思治術欲使生人從化以德代刑求草萊之善旌閭里之行民  
間情爲咸欲備聞已詔使人所在振恤揚鑣分路將遍四海必令  
爲朕耳目如有文武才用未爲時知宜以禮發遣朕將銓擢其有  
志節高妙越等超倫亦仰使人就加旌異令一行一善獎勸於人  
遠近官司遐邇風俗巨細必紀還日奏聞庶使不出戶庭坐知萬  
里庚辰陳遣散騎常侍周墳通直散騎常侍袁彥來聘陳主知上  
之貌異世人使彥畫像持去甲午罷天下諸郡閏十二月乙卯遣

兼散騎常侍曹令則通直散騎常侍魏澹估於陳戊午以上柱國  
寶榮定爲右武衛大將軍刑部尚書蘇威爲民部尚書

四年春正月甲子日有蝕之巳巳有事於太廟辛未有事於南郊  
壬申梁王蕭歸來朝甲戌大射於北苑十日而罷壬午齊州水辛  
卯渝州獲獸似麋一角同蹄壬辰班新曆二月乙巳上餞梁主於  
霸上丁未靺鞨貢方物突厥蘇尼部男女萬餘人來降庚戌幸隴  
州突厥可汗阿史那玷率其屬來降夏四月己亥勅摠管刺史父  
母及子年十五巳上不得將之官庚子以吏部尚書虞慶則爲尚  
書右僕射瀛州刺史楊尚希爲兵部尚書毛州刺史劉仁恩爲刑  
部尚書甲辰以上柱國叱李長義爲信州摠管丁未宴突厥高麗  
吐令暉使者於大興殿丁巳以上八將軍賀婁子幹爲榆關摠管

契丹主莫賀弗遣使請降拜大將軍景子以柱國馮昱  
州摠管乙酉以汴州刺史呂仲泉爲延州摠管六月庚子降  
徒乙 鴻臚卿乙酉是爲龔州摠管上柱國巨野勳乙酉夏月







柱 崔弘度為廣州總管庚子大赦天下三月己未洛陽  
德上書請上為太上皇傳位皇太子曰朕承天命撫育  
求逸樂者哉癸亥突厥沙鉢略遣使貢方物夏四月己亥陳遣兼  
散騎常侍周確兼通直散騎常侍江椿來聘秋七月辛亥河南諸  
州水乙丑京師雨毛如馬鬣尾長者二尺餘短者六七寸八月辛  
卯關內七州旱免其賦稅遣散騎常侍裴豪兼通直散騎常侍劉  
顓聘于陳戊申上柱國太師申國公李穆薨閏月己酉以河州刺  
史段文振為蘭州總管丁卯皇太子鎮洛陽辛未晉王諱秦王俊  
並來朝景子上柱國邠國公梁士彥上柱國杞國公宇文忻柱國  
舒國公劉昉以謀反伏誅上柱國許國公宇文善坐事除名九月  
辛巳上素服御射殿詔百寮射賜梁士彥三家資物景戌上柱國  
宋安郡公元景山卒庚子以上柱國李詢為隰州總管辛丑詔大  
象已來死事之家咸令振恤冬十月己酉以河北道行臺尚書令

并州總管晉王諱為雍州牧餘如故兵部尚書楊尚希為禮部  
尚書癸丑置山南道行臺尚書自於襄州以秦王俊為尚書令景  
辰以芳州刺史駱平難為疊州刺史衡州總管周法尚為黃州總  
管甲子甘露降于華林園

七年春正月癸巳有事于太廟乙未制諸州歲貢三人二月丁巳  
祀朝日于東郊己巳陳遣兼散騎常侍王亨兼通直散騎常侍王  
脊來聘壬申車駕幸醴泉宮是月發丁男十萬餘修築長城二旬  
而罷夏四月己酉幸晉王第庚戌於揚州開山陽瀆以通運漕突  
厥沙鉢略可汗卒其子雍虞閭嗣立是為都藍可汗癸亥頒青龍  
符於東方總管刺史西方以驪驥南方以朱雀北方以玄武甲戌  
遣兼散騎常侍楊同兼通直散騎常侍崔儵使于陳以民部尚書

吏部尚書五月乙亥朔日有蝕之己卯雨石于武安陰陽  
里秋七月己丑衛王爽薨上發喪於門下外省八月景午  
源雄為朔州總管庚申梁主蕭詧來朝九月己酉梁



以掠於其國... 封莒國公冬十月庚申行幸同州以先帝所居降囚徒... 州景寅宴父老上極權曰此間人物衣服鮮麗容止閑雅... 仕官之鄉陶冶成俗也十一月甲午幸馮翊親祠故社父老對詔失旨上大怒免其縣官而去戊戌至自馮翊

隋書一

隋書一

帝紀第二

隋書二

高祖下

特進臣魏徵上

八年春正月乙亥陳遣散騎常侍表雅兼通直散騎常侍周止水來聘二月庚子鎮星入東井辛酉陳人寇破州三月辛未上柱國隴西郡公李詢卒壬申以成州刺史姜瓖達為會州總管甲戌遣兼散騎常侍程尚賢兼通直散騎常侍韋暉使于陳戊寅詔曰昔有苗不賓唐堯薄伐孫皓僭虐晉武行誅有陳竊據江表逆天暴物朕初受命陳頊尚存思欲教之以道不以龔行為今往來脩睦望其遷善時日無幾豐惡已聞厚納叛亡侵犯城戍勾吳闔越肆厥殘忍于時王師大舉將一車書陳頊反地收兵深懷震懼責躬責已致殞矜其喪禍仍詔班師叔寶承風因求繼好載行克己行李每見瓊瑛入朝輜軒出使何嘗不殷勤曉諭戒以惟而後一



擄手

之地志溪壑之險劫奪閭閻資產俱竭驅蹙內外勞役

貴子女擅造宮室日增月益止足無期帷薄墮墮有踰萬

家割人之所分人之血欺天造惡祭鬼求恩歌舞衢路酣醉官

闖盛粉黛而執干戈曳羅綺而呼警蹕躍馬振策從旦至昏無所

經營馳走不息負甲持仗隨逐徒行追而不及即加罪譴自古昏

亂罕或能比介士武夫飢寒力役筋髓罄於土木性命俟於溝渠

君子潛逃小人得志家家隱殺戮各各任聚斂天災地孽物怪人

妖衣冠鉗口道路以目傾心翹足誓告於我日月以異文奏相尋

重以背德違言搖蕩疆場巴峽之下海澨巴西江北江南為鬼為

或死隴窮發掘之酷生居極塵以效之苦抄掠人畜斷截樵蘇市井

不立農事廢寢歷陽廣陵窺伺相繼或謀圖城邑或劫剝吏人晝

伏夜遊鼠竄狗盜彼則羸兵弊卒來必就擒此則重門設險有勞

藩捍天之所覆無非朕臣每聞聽覽有懷傷惻有梁之國我南藩

也其君入朝潛相招誘不顧朕恩士女深迫脅之悲城府致空虛

之歎非直朕居人上懷此無忘既而百拜屢以為言兆庶不堪其

請豈容對而不誅忍而不救近日秋始謀欲弔人益部樓船盡令

東騫便有神龍數十騰躍江流引伐罪之師向金陵之路船住則

龍止船行則龍去四日之內三軍皆覩豈非蒼昊愛人幽明展事

降神先路協贊軍威以上天之靈助龕定之方便可出師授律應

機誅殄在斯舉也永清吳越其將士糧仗水陸資須期會進止一

准別勅秋八月丁未河北諸州飢遣吏部尚書蘇威振恤之九月

丁丑宴南征諸將頒賜各有差癸巳嘉州言龍見冬十月己亥太

白出西方己未置淮南行臺

東遣兼散騎常侍王琬兼通直散騎常侍許善心來聘拘留不遣

陳有事於太廟命晉王諱秦王俊清河公楊素並為行

所以伐陳於是晉王諱出六合秦王俊出襄陽清河公楊素

州刺史劉仁



江襄邑公賈... 吳州落叢公燕榮出東... 合摠管  
五十一萬八千... 晉王節度東接滄海西拒巴蜀旌旗  
數千里曲救陳國有星孛于牽牛十一月丁卯車駕餞  
詔賈陳... 寶位上柱國萬戶公乙亥行幸定城陳師誓衆景子  
幸河東十二月庚子至白河東

九年春正月己巳白虹夾日辛未賀若弼拔陳京口韓擒拔陳南  
豫州癸酉以尚書右僕射虞慶則為右衛大將軍景子賀若弼敗  
陳師於蔣山獲其將蕭摩訶韓擒進師入建鄴獲其將任蠻奴獲  
陳主叔寶陳國平合州三十郡一百縣四百癸巳遣使持節巡撫  
之二月乙未廢淮南行臺省景申制五百家為鄉正一人百家  
為里長一人丁酉以襄州摠管韋世康為安州摠管夏四月己亥  
幸驪山親勞旋師乙巳三軍凱入獻俘於太廟拜晉王諱為太尉  
庚戌上御廣陽門宴將士頒賜各有差辛亥大赦天下己未以陳  
都官尚書孔範散騎常侍王瑳王儀御史中丞沈觀師邪佞於其

主以致亡滅皆投之邊裔辛酉以信州摠管楊素為荊州摠管吏  
部侍郎宇文弼為刑部尚書宗正少卿楊昇為工部尚書壬戌詔  
曰往以吳越之野羣黎塗炭干戈方用積習未寧今率土大同含  
生遂性太平之法方可流行凡我臣僚澡身浴德開通耳目宜從  
茲始喪亂已來緬將十載君無君德臣失臣道父有不慈子有不  
孝兄弟之情或薄夫婦之義或違長幼失序尊卑錯亂朕為帝王  
志存愛養時有臻道不敢寧息內外職位遐邇黎人家家自修人  
人克念使不軌不法蕩然俱盡兵可立威不可不戢刑可助化不  
可專行禁衛九重之餘鎮守四方之外戎旅軍器皆宜停罷代路  
既夷羣方無事武力之子俱可學士人間甲仗悉皆除毀有功之  
臣各情文... 家門子姪各守一經令海內翕然高山仰止京邑庠  
... 縣生徒受業外進於朝未有灼然明經高第此則教訓  
... 未精明勅所由隆... 需訓... 府從官立園素士心迹相  
... 心勿為... 匪表... 區于於茲九載開直言



以之必形於一色勢於夏... 以其事甚疎之卿士庶非所... 才必舉無或... 告天下咸悉此意閏月... 史雌一雄一己卯以吏部尚書蘇威為尚書右僕射六月乙丑以... 荆州摠管楊素為納言丁丑以吏部侍郎盧愷為禮部尚書時朝... 野物議咸願登封秋七月景午詔曰豈可命一將軍除一小國還... 邇注意便謂太平以薄德而封名山用虛言而干上帝非朕攸聞... 而今以後言及封禪宜即禁絕八月壬戌以廣平王雄為司空冬... 十一月壬辰考使定州刺史豆盧通等上表請封禪上不許庚子以... 右衛大將軍虞慶則為右武侯大將軍右領軍將軍李安為右領... 軍大將軍甲寅降囚徒十二月甲子詔曰朕祇承天命清蕩萬方... 百王衰弊之後兆庶澆淳之日聖人遺訓掃地俱盡制禮作樂今... 也其時朕情存古樂深思雅道鄭衛淫聲魚龍雜戲樂府之內盡

以除之今欲更調律呂改張琴瑟且妙術精微非因教習工人代... 掌止傳糟粕不足達神明之德論天地之和區域之間奇才異藝... 天知神授何代無哉蓋晦迹於非時俟昌言於所好宜可搜訪速... 以奏聞庶觀一藝之能共就九成之業仍詔太常牛弘通直散騎... 常侍許善心秘書丞姚察通直郎虞世基等議定作樂己巳以黃... 州摠管周法尚為永州摠管

十年春正月乙未以皇孫昭為河南王楷為華陽王二月庚申幸... 并州夏四月辛酉至自并州五月乙未詔曰魏末喪亂寓縣瓜分... 役車歲動未遑休息兵士軍人權置坊府商征北伐居處無定家... 無戶堵地罕包桑柘為派富之人資無鄉里之號朕甚愍之凡是... 甲人可悉屬州縣墾田籍帳... 民同軍府統領宜依舊式罷山... 北方綠邊之地... 六月辛酉制人年五十免役... 以靈州摠管王世積為荊州摠管浙州刺史元胄為靈... 七月癸卯以納言楊素為內史今庚戌上觀錄囚徒辛



不郡公... 陽平王子吐谷渾遣使來朝八月子... 開府東萊郡公王... 並持節巡撫嶺南百越... 八月甲子... 宋魚符於京官五品已上戊辰以永州摠管... 遣使朝貢辛丑有事... 是月婺州人汪文進會稽人高智慧... 蘇州人沈玄愴皆舉兵反自稱天子署置百官樂安蔡道人蔣山... 李稜饒州吳代華永嘉沈孝徹泉州王國慶餘杭楊寶英交趾李... 春等皆自稱大都督攻陷州縣詔上柱國內史令越國公楊素討... 平之

十一年春正月丁酉以平陳所得古器多為妖變悉命毀之辛丑... 高麗遣使朝貢景午皇太子妃元氏薨上舉哀於文思殿二月戊... 午吐谷渾遣使貢方物以大將軍蘇孝慈為工部尚書景子以臨... 額令劉曠治術尤異擢為莒州刺史己卯突厥遣使獻七寶器辛... 巳晦日有蝕之三月壬午遣通事舍人若干洽使于吐谷渾癸未

以幽州摠管周搖為壽州摠管朔州摠管吐萬緒為夏州摠管夏... 四月戊午突厥雍虞間可汗遣其特勤來朝五月甲子高麗遣使... 貢方物癸卯詔百官悉詣朝堂上封事乙巳以左衛將軍元曼為... 左衛大將軍秋七月己丑以柱國杜彥為洪州摠管八月丑申辛... 粟園滕王瓚薨乙亥至自栗園上柱國沛國公鄭譯卒十二月景... 辰靺鞨遣使貢方物

十二年春正月壬子以蘇州刺史皇甫績為信州摠管宣州刺史... 席代雅為廣州摠管二月己巳以蜀王秀為內史令兼右領軍大... 將軍漢王諒為雍州牧右衛大將軍夏四月辛卯以壽州摠管周... 搖為襄州摠管五月辛亥廣州摠管席代雅卒秋七月乙巳尚書... 僕射邳國公蘇威禮部尚書容城縣侯盧愷並坐事除名壬戌

其日還宮己巳有事於太廟壬申晦日有蝕之八月甲... 死罪諸州不得便決皆令大理覆治乙亥幸龍首池癸... 有不符... 雖所守丁酉上柱國夏州摠管... 國公巨盧



一親錄四徒九月丁未以工部尚書楊昂為吳州牧  
丑以遂安王集為衛王壬午有事于太廟至太祖神主  
鳴咽悲不自勝十一月辛亥有事於南郊壬子宴百寮  
賜各有差己未上柱國新義郡公韓擒卒庚申以豫州刺史權  
武為潭州摠管甲子百寮大射於武德殿十二月癸酉突厥遣使  
來朝乙酉以上柱國內史令楊素為右僕射己酉吐谷渾  
鞞並遣使貢方物

十三年春正月乙巳上柱國鄜國公韓連業卒景午契丹奚霫室  
韋並遣使貢方物壬子親祀感帝癸巳以信州摠管韋世康為吏  
部尚書壬戌行幸岐州二月景子詔營仁壽宮丁亥至自岐州戊  
子宴考使於嘉則殿己卯立皇孫暕為豫章王戊子晉州刺史南  
陽郡公賈悉達隰州摠管撫寧郡公韓延等以賄伏誅己丑制坐  
事去官者配流一年丁酉制私家不得隱藏緯候圖讖夏四月癸  
未制戰亡之家給復一年五月癸亥詔人間有撰集國史臧否人

物者皆令禁絕秋七月戊申制鞞遣使貢方物壬子左衛大將軍  
雲州摠管鉅鹿郡公賀婁子幹卒丁巳幸昆明池戊辰晦日有蝕  
之九月景辰降囚徒庚申以邵國公楊綸為滕王乙丑以柱國杜  
彥為雲州摠管冬十月乙卯上柱國華陽郡公梁彥先卒

十四年夏四月乙丑詔曰在昔聖人作樂崇德移風易俗於斯為  
大自晉氏播遷兵戈不息雅樂流散年代已多四方未一無由辨正  
賴上天鑒臨明神降福拯茲塗炭安息蒼生天下大同歸於治理  
遺文舊物皆為國有比命所司摠令研究正樂雅聲詳考已訖宜  
即施用見行者停人間音樂流僻日久弃其舊體競造繁聲浮宕  
不歸遂以成俗宜加禁約務存其本五月辛酉京師地震關內諸  
州旱六月丁卯詔省府州縣皆給公廩田不得治生與人爭利秋

以邳國公蘇威為納言八月辛未關中大旱人飢上率  
於洛陽九月己未以齊州刺史樊子蓋為循州摠管丁  
未

史崔山方為會州摠管八月十月甲寅召



一方餘年

國公蕭琮及高仁英

給之乙卯制外官九品已

將之官十一月壬戌制州縣佐吏三年一代不得重任癸未有

星字于角元十二月乙未東巡狩

十五年春正月壬戌車駕次齊州親問疾苦景寅殊王符山庚午

上以歲旱祠太山以謝愆咎大赦天下二月景辰收天下兵器敢

有私造者坐之關中緣邊不在其例丁巳上柱國燕國公梁睿卒

三月己未至自東巡狩望祭五嶽海瀆丁亥幸仁壽宮營州總管

韋藝卒夏四月己丑朔大赦天下甲辰以趙州刺史楊達為工部

尚書丁未以開府儀同三司韋沖為營州總管五月癸酉吐谷渾

遣使朝貢丁亥制京官五品已上佩銅魚符六月戊子詔毀庶柱

庚寅相州刺史豆盧通貢綾文布命焚之於朝堂乙未林邑遣使

來貢方物辛丑詔名山大川未祀典者悉祠之秋七月乙丑晉

王諱獻毛龜甲戌遣邳國公蘇威巡省江南戊寅至自仁壽官辛

巳制九品已上官以理去職者聽並執笏冬十月戊子以吏部尚

書韋世康為荊州總管十一月辛酉幸温湯乙丑至自温湯十二

月戊子勅盜邊糧一升已上皆斬並籍沒其家己丑詔文武官以

四考交代

十六年春正月丁亥以皇孫裕為平原王筠為安成王疑為安平

王恪為襄城王該為高陽王韶為建安王嬰為潁川王夏五月丁

巳以懷州刺史龐晃為夏州總管蔡陽縣公姚辯為靈州總管六

月甲午制工兩不得進仕并州大蝗辛丑詔九品已上妻五品已上

妻夫亡不得改嫁秋八月景戌詔決死罪者三奏而後行刑冬十

日己丑幸長春宮十一月壬子至自長春宮

春一月癸未太平公史萬歲擊西寧羌平之庚寅幸仁

上柱國王世積討桂州賊李光仕平之王寅何東王昭

曰頒賜又有差三月景辰詔曰分職設官共理持務在



等左在所在官人... 備科條或據律乃... 則重不即決罪無以懲肅其... 官若有愆犯聽於律外斟酌決杖辛酉上親錄囚徒癸... 云上柱國彭國公劉昶以罪伏誅庚午道治書侍御史柳彧皇甫... 誕巡省河南河北夏四月戊寅頒新曆壬午詔曰周曆告終羣凶... 作亂豐起蕃服毒被生人朕受命上玄廓清區宇聖靈垂祐文武... 同心申明公穆郎襄公孝寬廣平王雄蔣國公睿楚國公勣齊國... 公頊越國公素魯國公慶則新寧公長义宜陽公世積趙國公羅... 雲隴西公詢廣業公景真昌公振沛國公譚項城公子相鉅鹿公... 子幹等登庸納揆之時草昧經綸之日丹誠大節心盡帝圖茂績... 殊勲力宣王府宜弘其門緒與國同休其世子世孫未經州任者... 宜量才升用庶享榮位世祿無窮五月宴百寮於玉女泉頒賜各... 有差已巳蜀王秀來朝高麗遣使貢方物甲戌以左衛將軍獨孤... 羅雲為涼州摠管閏月己卯羣羊鹿入殿門馴擾侍衛之內秋七月

丁丑桂州人李代賢反遣右武候大將軍虞慶則討平之丁亥上... 柱國并州摠管秦王俊坐事免以王就第戊戌突厥遣使貢方物... 八月丁卯荊州摠管上庸郡公韋世康卒九月甲申至自仁壽宮... 庚寅上謂侍臣曰禮主於敬此當盡心黍稷非馨貴在祇肅廟庭... 禮樂本以迎神齊祭之日觸目多感當此之際何可為心在路奏... 樂禮未為允羣公卿士宜更詳之冬十月丁未頒銅獸符於驃騎... 車騎府戊申道王靜菟庚午詔曰五帝異樂三王殊禮皆隨事而... 有損益因情而立節文仰惟宗廟瞻敬如在罔極之感情深... 茲日而禮畢升路鼓吹發音還入宮門金石振響斯則哀樂同日... 心事相違情所不安理實夫宜改茲往式用弘禮教自今已後... 享明日不須備鼓吹殿庭勿設樂懸幸未京師大索十一月丁亥... 使外朝十二月王子上柱國右武侯大將軍魯國公虞慶... 月癸丑詔曰吳越之人七



致有侵害其江南北州人間有解長三又已上卷抄

甲辰幸仁壽宮乙巳漢王諒為行軍元帥水陸三十

二月乙亥以柱國柱在為朔州摠管夏四月癸卯以蔣

州史郭衍為洪州摠管五月壬亥詔之百猫鬼蟲毒厥魅野道之

家投於四裔六月景寅下詔黜宜麗王高元宮爵秋七月壬申詔

以河南八州水免其課役景子詔京官五品已上摠管刺史以志

行修謹清平幹濟二科舉人九日己丑漢王諒師遇疾疫而旋死

者十八九庚寅勅舍客無公驗者坐及刺史縣令辛卯至自仁壽

宮冬十一月甲戌上親錄囚徒癸未有事於南郊十二月庚子上

柱國夏州摠管任城郡公王景以罪伏誅是月自京師至仁壽宮

置行宮十有二所

十九年春正月癸酉大赦天下戊寅大射武德殿宴賜百官二月

己亥晉王諱來朝辛丑以并州摠管長史宇文弼為朔州摠管甲

寅幸仁壽宮夏四月丁酉突厥利可汗內附達頭可汗犯塞遣行

軍摠管史萬歲擊破之六月丁酉以章王暕為內史令秋八月

癸卯上柱國尚書左僕射齊國公高祖坐事免辛亥上柱國皖城

郡公張威卒甲寅上柱國城陽郡公李徽卒九月乙丑以太常卿

牛弘為吏部尚書冬十月甲午以突厥利可汗為啓人可汗築大

利城處其部落庚子以朔州摠管宇文弼為代州摠管十二月乙

未突厥都藍可汗為部下所殺丁丑星震於勃海

二十年春正月辛酉朔上在仁壽宮突厥高麗契丹並遣使貢方

物癸亥以代州摠管宇文弼為吳州摠管二月己巳以上柱國崔

弘度為原州摠管丁丑無雲而雷二月辛卯熙州人李英林反遣

行軍摠管張衡討平之夏四月壬午突厥犯塞以晉王諱為行軍

元帥擊破之乙亥天有聲如瀉水日南而北六月丁丑秦王俊薨

七月星見九月丁未至白仁壽宮癸丑吳州摠管楊昇卒

丁勇及諸子並廢為庶人殺柱

史萬歲已已殺左衛大將軍五原郡公元曼十一月



震京師大風雪以爲王詒爲皇太子十二月戊午詔  
尾不得稱臣於皇太子年已詔曰佛法深妙道教虛融成  
濟羣品凡在含識皆無不覆護所以離鑄靈相圖寫真形  
茲土瞻仰用申誠敬其五嶽四嶽節宣雲雨江河淮海浸潤區域  
並生養萬物利益非人故建廟立祠以時恭敬敢有毀壞偷盜佛  
及天尊像嶽鎮海瀆神形者以不道論沙門壞佛像道士壞天尊  
者以惡逆論

仁壽元年春正月乙酉朔大赦改元以尚書右僕射楊素爲尚書  
左僕射納言蘇威爲尚書右僕射丁酉徙河南王昭爲晉王突厥  
寇恒安遣柱國韓洪擊之官軍敗績以晉王昭爲內史令辛丑詔  
曰君子立身雖云百行唯誠與孝最爲其首故投生殉節自古稱  
難殞身事禮加二等而代俗之徒不達大義至於致命戎旅不  
入兆域虧孝子之意傷人臣之心興言念此每深愍歎且入廟祭  
祀並不廢闕何止墳塋獨左其外自今已後戰亡之徒宜入墓域

二月乙卯朔日有蝕之辛巳以上柱國獨孤楷爲原州摠管三月  
壬辰以豫章王暕爲楊州摠管夏四月以浙州刺史蘇孝慈爲洪  
州摠管五月己丑突厥男女九萬口來降壬辰驟雨震雷大風拔  
木宜君湫水移於始平六月癸丑洪州摠管蘇孝慈卒乙卯遣十  
六使巡省風俗乙丑詔曰儒學之道訓教生人識父子君臣之義  
知尊卑長幼之序并之於朝任之以職故能贊理時務弘益風範  
朕撫臨天下思弘德教延集學徒崇建庠序開仕進之路佇賢  
雋之人而國學胄子垂將并數州縣諸生成亦不少徒有名錄空  
度歲時未有德爲代範才任國用良由設學之理多而未精今宜  
簡省明加獎勵於是國子學唯留學生七十人太學四門及州縣  
學並廢其日頒舍利於諸州秋七月戊戌改國子爲太學九月癸  
酉立爲雲州摠管十一月己丑有事於南郊壬辰以資  
州立爲遂州摠管  
丁辛亥以邢州刺史侯莫陳穎爲桂州摠管宗正楊



總管三日己亥幸仁壽宮丁寅以齊州刺史張高為得  
及四月庚戌岐雍二州地震秋七月景戌詔內外官各舉  
一人以原州總管獨孤禮為益州總管八月己巳皇后獨孤  
崩九月景戌至自仁壽宮壬辰河南北諸州大水遣工部尚書  
楊達振恤之乙未上柱國襄州總管金水郡公周搖卒隴西地震  
冬十月壬子曲赦益州管內癸丑以工部尚書楊達為納言閏月  
甲申詔尚書左僕射楊素與諸術者刊定陰陽舛謬己丑詔曰禮  
之為用時義大矣黃琮蒼璧降天地之神粢盛牲食展宗廟之敬  
正父子君臣之序明婚姻喪紀之節故道德仁義非禮不成安上  
治人莫善於禮自區宇亂離縣歷年代王道衰而變風作微言絕  
而大義乖與代推移其弊日甚至於四時郊祀之節文五服麻葛  
之隆殺是非異說踳駁殊塗致使聖教凋訛輕重無准朕祗承天  
命撫臨生人當洗滌之時屬干戈之代克定禍亂先運武功刪正  
彝典日不暇給今四海乂安五戎勿用理宜弘風訓俗導德齊禮

綴往聖之舊章興先王之茂則尚書左僕射越國公楊素尚書右  
僕射邳國公蘇威吏部尚書奇章公牛弘內史侍郎薛道衡秘書  
丞許善心內史舍人虞世基著作郎王邵或任居端揆博達古今  
或器惟令望學綜經史委以裁緝寔允翫議可並修定五禮壬寅  
葬獻皇后於太陵十二月癸巳上柱國益州總管蜀王秀廢為庶  
人交州人李佛子舉兵反遣行軍總管劉方討平之

三年春二月己卯原州總管比陽縣公龐晃卒戊子以大將軍蔡  
陽郡公姚辯為左武侯大將軍夏五月癸卯詔曰哀哀父母生我  
劬勞欲報之德昊天罔極但風樹不靜嚴飭莫追霜露既降感恩  
空切六月十三日是朕生日宜令海內為武元皇帝元明皇后斷  
屠六月甲午詔曰禮云至親以菘斷蓋以四時之變易萬物之更  
主人承之其有三年加隆爾也但家無二尊母為厭降是以  
母還服于菘者服之正也宜容菘內而更小祥然三年之  
者禮云菘祭禮也菘而於喪道也以是之故律未年



變了可不祭不可不除世有練焉以存喪祭之本然  
於理未安雖云十一月而練乃無所法象非暮非時豈  
而者徒擬三年之喪立練禫之節可謂苟存其變而失  
其本欲漸於奪乃薄於喪致使子則冠練去經黃裏緣經則布  
葛在躬麤服未改豈非經哀尚存子情已奪親踈失倫輕重顛倒  
乃不順人情豈聖人之意也故知先聖之禮廢於人邪三年之喪  
尚有不行之者至於祥練之節安能不墜者乎禮云父母之喪無  
貴賤一也而大夫士之喪父母乃貴賤異服然則禮壞樂崩由來  
漸矣所以晏平仲之斬麤縗其老謂之非禮滕文公之服三年其  
臣咸所不欲蓋由王道既衰諸侯異政將踰越於法度惡禮制之  
害已乃滅去篇籍自制其宜遂至骨肉之恩輕重從俗無易之道  
隆殺任情況孔子沒而微言隱秦滅學而經籍焚者乎有漢之興  
雖求儒雅人皆異說義非一貫又近代亂離唯務兵革其於典禮  
時所未遑夫禮不從天降不從地出乃人心而已者謂情緣於恩

也故恩厚者其禮隆情輕者其禮殺聖人以此稱情立文別親踈  
賈賤之節自臣子道消上下失序莫大之恩逐情而薄莫重之禮  
與時而殺此乃服不稱喪容不稱服非所謂聖人緣恩表情制禮  
之義也然喪與易也寧在於戚則禮之本也禮有其餘未若於哀  
則情之實也今十一月而練者非禮之本非情之實由是言之父  
存喪母不宜有練但依禮十三月而祥中月而禫庶以合聖人之  
意達孝子之心秋七月丁卯詔曰日往月來唯天所以運序山鎮  
川流唯地所以宣氣運序則寒暑無差宣氣則雲雨有作故能成  
天地之大德育萬物而為功況以一人君子四海睹物欲運獨見  
致治不藉羣才未之有也是以唐堯欽明命羲和以居岳虞舜叙  
德升元凱而作相伊尹鼎俎之媵為夢之阿衡呂望漁釣之夫為  
人則鳴鶴在陰其子必和風雲之從龍虎賢哲之應聖  
回臣道以正故能通天地之和順陰陽之序豈不由元  
平自王道衰人風薄居上莫能公道以御物為下必



時上下相蒙君臣義失義失則政乖政乖則人困蓋  
屆難嗣離德之軌易追則任者不休休者不任則衆口鑠  
金之向不測是以行歌避代辭位權園卷而可懷黜而無愠  
放逐江湖之上沈赴河海之流所以自絜而不悔者也至於閭閻  
秀異之士鄉曲博雅之儒言足以佐時行足以勵俗遺棄於草野  
堙滅而無聞豈勝道哉所以覽古而歎息者也方今區宇一家煙  
火萬里百姓乂安四夷賓服豈是人功寔乃天意朕惟夙夜祗懼  
將所以上嗣明靈是以小心勵已日慎一日以黎元在念憂兆庶  
未康以庶政爲懷慮一物失所雖求傳險莫見幽人徒想崆峒未  
聞至道唯恐商歌於長夜抱關於夷門遠跡大羊之間屈身僮僕  
之伍其令州縣搜揚賢哲皆取明知今古通識治亂究政教之本  
達禮樂之源不限多少不得不舉限以三旬咸令進路徵召將送  
必須以禮八月壬申上柱國檢校幽州摠管落叢郡公燕榮以罪  
伏誅九月壬戌置常平官甲子以營州摠管韋沖爲民部尚書十

二月癸酉河南諸州水遣納言楊達振恤之

四年春正月景辰大赦甲子幸仁壽宮乙丑詔賞罰支度事無巨

細並付皇太子夏四月乙卯上不豫六月庚申大赦天下有星入

月中數日而退長人見於鴈門秋七月乙未日青無光八日乃復

已亥以大將軍段文振爲雲州摠管甲辰上以疾甚卧於仁壽宮

與百寮辭訣並握手歔歔丁未崩於太寶殿時年六十四遺詔曰

嗟乎自昔晉室播遷天下喪亂四海不一以至周齊戰爭相尋年

將三百故割疆土者非一所稱帝王者非一人書軌不同生人塗

炭上天降監爰命於朕用登大位豈關人力故得撥亂反正偃武

修文天下大同聲教遠被此又是天意欲寧區夏所以昧旦臨朝

不敢逸豫一日萬幾留心親覽晦明寒暑不憚劬勞匪曰朕躬蓋

任故也王公卿士每日闕庭刺史已下三時朝集何嘗不罄

心勅躬勤義乃君臣情兼父子庶藉百寮智力萬國歡心

人永得安樂不謂溝疾彌留至於大漸比乃人生常



八但四海百姓衣食不豐教化政刑猶未盡善與言令  
恨朕今年踰六十不復稱天但筋力精神一時勞竭如  
本正為身止欲安養百姓所以致此人生子孫誰不愛念  
既為天下事須割情勇及秀等並懷悖惡既知無臣子之心所以  
廢黜古人有言知臣莫若於君知子莫若於父若令勇秀得志共  
治家國必當戮辱偏於公卿酷毒流於人庶今惡子孫已為百姓  
黜屏好子孫足堪負荷大業此雖朕家事理不容隱前對文武侍  
衛具已論述皇太子廣地居上嗣仁孝著聞以其行業堪成朕志  
但令內外羣官同心勦力以此共治天下朕雖瞑目何所復恨但  
國家事大不可限以常禮既葬公除行之自昔今宜遵用不勞改  
定凶禮所須纔令周事務從節儉不得勞人諸州摠管刺史已下  
宜各率其職不須奔赴自古哲王因人作法前帝後帝公革隨時  
律令格式或有不便於事者宜依前勅修改務當政要嗚呼嗇之  
哉無墜朕命乙卯發喪河間楊柳四株無故黃落既而花葉復生

八月丁卯梓宮至自仁壽宮景子殯于大興前殿冬十月己卯合  
葬於太陵同墳而異穴上性嚴重有威容外質木而內明敏有大  
略初得政之始羣情不附諸子幼弱內有六王之謀外致三方之  
亂握強兵居重鎮者皆周之舊臣上推以赤心各展其用不踰暮  
月克定二邊未及十年平一四海薄賦斂輕刑罰內脩制度外撫  
戎夷每旦聽朝日仄忘倦居處服翫務存節儉令行禁止上下化  
之開皇仁壽之間丈夫不衣綾綺而無金玉之飾常服率多布帛  
裝帶不過以銅鐵骨角而已雖嗇於財至於賞賜有功亦無所愛  
恡乘輿四出路逢上表者則駐馬親自臨問或潛遣行人探聽風  
俗吏治得失人間疾苦無不留意嘗過關中飢遣左右視百姓所  
食有得豆屑雜糠而奏之者上流涕以示羣臣深自咎責為之徹  
中酒肉者殆將一暮及東拜太山關中戶口就食洛陽者道  
勅斥候不得輒有驅逼男女參廁於仗衛之間逢扶老  
引馬避之慰勉而去至觀倉之處見負簪者處令左右



將之既沒必加優賞仍令使者就家勞問自強不息  
人庶殷繁帑藏充實雖未能臻於至治亦足稱近代之  
矣任沈情素無學術好為小數不達大體故忠臣義士莫  
得盡心竭辭其草創元勳及有功諸將誅夷罪退罕有存者又不  
悅詩書廢除學校唯婦言是用廢黜諸子逮于暮年持法尤峻喜  
怒不常過於殺戮嘗令左右送西域朝貢使出玉門關其所經  
之處或受牧宰小物饋遺鸚鵡麝皮馬鞭之屬上聞而大怒又詣  
武庫見署中蕪穢不治於是執武庫令及諸受遺者出開遠門外  
親自臨決死者數十人又往往潛令人賂遺令史府史有受者必  
死無所寬貸議者以此少之

史臣曰高祖龍德在田奇表見異晦明肅用故知我者希始以外  
戚之尊受託孤之任與能之議未為當時所許是以周室舊臣咸  
懷憤惋既而王謙固三蜀之阻不踰暮日尉迴舉全齊之衆一戰  
而亡斯乃非止人謀抑亦天之所贊也宋茲機運遂遷周鼎于特

蠻夷猶夏荆楊未一劬勞日吳經營四方樓船南邁則金陵失險  
驃騎北指則單于款塞職方所載並入疆理禹貢所圖咸受正朔  
雖晉武之克平吳會漢宣之推亡固存比義論功不能尚也七德  
既敷九歌已洽要荒咸暨尉候無警於是躬節儉平徭賦倉廩實  
法令行君子咸樂其生小人各安其業強無陵弱衆不暴寡人物  
殷阜朝野歡娛二十年間天下無事區宇之內晏如也考之前王  
足以參蹤盛烈但素無術學不能盡下無寬仁之度有刻薄之資  
暨乎暮年此風逾扇又雅好符瑞暗於大道建彼維城權侔京室  
皆同帝制靡所適從聽哲婦之言惑邪臣之說溺寵廢嫡託付失  
所滅父子之道開昆弟之隙縱其尋斧剪伐本枝墳土未乾子孫  
繼踵屠戮松檟纒列天下已非隋有惜哉迹其衰怠之源稽其亂  
兆自高祖成於煬帝所由來遠矣非一朝一夕其不祀忽

不幸也







市今陽慧即刑法監徐杓尚書都令史... 民斬之右闕下以謝三吳於是封府庫資財無所取天  
進立太尉賜輅車乘馬衮冕之服立珪白璧各一復拜并  
州摠管俄而江南高智慧等相聚作亂徙上為揚州摠管鎮江都  
每歲一朝高祖之祠太山也領武侯大將軍明年歸藩後數載突  
厥寇邊復為行軍元帥出靈武無虜而還及太子勇廢立上為皇  
太子是月當受冊高祖曰吾以大興公成帝業今上出舍大興縣  
其夜烈風大雪地震山崩民舍多壞壓死者百餘口仁壽初奉詔  
巡撫東南是後高祖每避暑仁壽宮恒令上監國四年七月高祖  
崩上即皇帝位於仁壽宮八月奉梓宮還京師并州摠管漢王諒  
舉兵反詔尚書左僕射楊素討平之九月乙巳以備身將軍崔彭  
為左領軍大將軍十一月乙未幸洛陽景申發丁男數十萬掘壘  
自龍門東接長平汲郡抵臨清關度河至浚儀襄城達於上洛以  
置關防癸丑詔曰乾道變化陰陽所以消息必創不同生靈所以

順敘若使天意不變施化何以成四時人事不易為政何以釐萬  
姓易不云乎通其變使民不倦變則通通則久有德則可以久有功  
則可大朕又聞之安安而能遷民用丕變是故姬邑兩周如武王  
之意殷人五徙成湯后之業若不因人順天功業見乎變愛人治  
國者可不謂歟然雒邑自古之都王畿之內天地之所合陰陽之  
所和控以三河固以四塞水陸通貢賦等故漢祖曰吾行天下多  
矣唯見雒陽自古臯王何嘗不留意所不都者蓋有由焉或以九  
州未一或以困其府庫作雒之制所以未暇也我有隋之始便欲  
創茲懷雒日復一日越暨于今念茲在茲興言感哽朕肅膺寶曆  
纂臨萬邦遵而不失心奉先志今者漢王諒悖逆毒被山東遂使  
州縣或淪非所此由關河懸遠兵不赴急加以并州移戶復在河  
躬入意在於此况復南服遐遠東夏躬大因機順動今也  
百辟僉諧厥議但成周墟堵弗堪昔宇今可於伊雒營  
設分畿以為民極也人官室之... 更上上



風雲高臺廣廈豈曰通形故傳云後復大侈惡之

云與其不遜也寧儉豈謂瑤臺瓊室方為宮殿者乎士而非帝王者乎是知非天下以奉一人乃一人以主天下也民惟國本本固邦寧百姓足孰與不足今所營構務從節儉無令雕牆峻宇復起於當今欲使卑官菲食將貽於後世有司明為條格稱朕意焉十二月乙丑以右武衛將軍來護兒為右驍衛大將軍戊辰以柱國李景為右武衛大將軍以右衛率周羅暉為右武候大將軍

大業元年春正月壬辰朔大赦改元立妃蕭氏為皇后改豫州為濠州洛州為豫州廢諸州摠管府景申立晉王昭為皇太子丁酉以上柱國宇文述為左衛大將軍上柱國郭衍為左武衛大將軍延壽公于仲文為右衛大將軍己亥以豫章王暕為豫州牧戊申發八使巡省風俗下詔曰昔者哲王之治天下也其在愛民乎既富而教家給人足故能風淳俗厚遠至邇安治定功成率由斯道

朕嗣膺寶曆撫育黎獻夙夜戰兢若臨川谷雖則聿遵先緒弗敢失墜永言政術多有缺然況以四海之遠兆民之眾未獲親臨問其疾苦每慮幽仄莫舉冤屈不申一物失所乃傷和氣萬方有罪責在朕躬所以監寐增勤而夕惕載懷者也今既布政惟始宜存寬大可分遣使人巡省方俗宣揚風化薦拔淹滯申達幽枉孝悌力田給以優復鰥寡孤獨不能自存者量加振濟義夫節婦旌表門閭高年之老加其版授並依別條賜以粟帛篤疾之徒給侍丁者雖有侍養之名曾無調贍之實明加檢校使得存養若有名行顯著操履脩絜及學業才能一藝可取咸宜訪採將身入朝所在州縣以禮發遣其有蠹政害人不便於時者使還之日具錄奏聞已酉以吳州摠管宇文弼為刑部尚書二月己卯以尚書左僕射為尚書令三月丁未詔尚書令楊素納言楊達將作大匠字東京徙豫州郭下居人以實之戊申詔曰聽採輿頌謀能審政刑之得失是知昧且思治欲使幽正必達彙論



予任稱朝委苟為傲幸以求考課虛立殿上存存實  
弗理冤屈所以莫申關河重阻無由自達朕故建立東  
系存問今將巡歷淮海觀省風俗眷求讜言徒繁詞翰而鄉  
校之內闕爾無聞恇然夕惕用忘興寢其民下有知州縣官人政  
治苛刻侵害百姓昔公徇私不便於民者宜聽詣朝堂封奏庶乎  
四聰以達天下無冤又於阜澗營顯仁宮採海內奇禽異獸草木  
之類以實園苑徙天下富商大賈數萬家於東京辛亥發河南諸  
郡男女百餘萬開通濟渠自西苑引穀洛水達于河自板渚引河  
通于淮庚申遣黃門侍郎王弘上儀同於士澄往江南採木造龍  
舟鳳帽黃龍赤艦樓船等數萬艘夏四月癸亥大將軍劉方擊林  
邑破之五月庚戌民部尚書義豐侯韋沖卒六月甲子熒惑入太  
微秋七月丁酉制戰亡之家給復十年景午滕工綸衛王集並奪  
爵徙邊閏七月甲子以尚書令楊素為太子太師安德王雄為太  
子太傅河間王弘為太子太保景子詔曰君民建國教學為先移

風易俗必自茲始而言絕義乖多歷年代進德脩業其道歸微  
採坑焚之餘不絕如線晉承板蕩之運掃地將盡自時厥後軍國  
多虞雖復黷宇時建示同愛禮由文或陳殆為虛器遂使紆青拖  
紫非以學優製錦操刀類多牆面上陵下替網維靡立雅缺道消  
寔由於此朕纂承洪緒思弘大訓將欲尊師重道用闡厥繇講信  
脩睦敦獎名教方今宇宙平一文軌攸同十步之內必有芳草四  
海之中豈無奇秀諸在家及見入學者若有篤志好古耽悅典墳  
學行優敏堪膺時務所在採訪具以名聞即當隨其器能擢以不  
次若研精經術未願進仕者可依其藝業深淺門蔭高卑雖未升  
朝並量准給祿庶夫恂恂善誘不日成器濟濟盈朝何遠之有其  
國子等學亦宜申明舊制教習生徒具為課試之法以盡砥礪之  
凡壬寅上御龍舟幸江都以左武衛大將軍郭衍為前軍右  
將軍李景為後軍文武官五品已上給樓船九品已上給  
百吏二丁餘里冬十月己丑赦江淮以南易州合夏五



丙給復三年十月己未以大將軍崔仲方為禮部尚書  
有正月辛酉東京成賜監督者各有差以大理卿梁毗為刑  
部書丁卯遣十使併省州縣二月景戌詔尚書令楊素吏部尚  
書牛弘大將軍宇文愷內史侍郎虞世基禮部侍郎許善心制定  
輿服始備輦路及五時副車上常服皮弁十有二珙文官弁服佩  
玉五品已上給犢車通憶三公親王加油絡武官平巾幘袴褶三  
品已上給炮槩下至胥吏服色皆有差非庶人不得戎服戎置  
都尉官三月庚午車駕發江都先是太府少卿何稠太府丞雲定  
與盛脩儀仗於是課州縣送羽毛百姓求捕之網羅被水陸禽獸  
有堪斃耗之用者殆無遺類至是而成夏四月庚戌上自伊闕陳  
法駕備千乘萬騎入於東京辛亥上御端門大赦免天下今年租  
賦癸丑以冀州刺史楊文思為民部尚書五月甲寅金紫光祿大  
夫兵部尚書李通坐事免乙卯詔曰旌表先哲式存饗祀所以優  
禮賢能顯彰遺愛朕永鑒前脩尚想名德何嘗不興歎九原屬懷

千載其自古已來賢人君子有能樹聲立德佐世匡時博利殊功  
有益於人者並宜營立祠宇以時致祭墳壟之處不得侵踐有司  
量為條式稱朕意焉六月壬子以尚書令太子太師楊素為司徒  
進封豫章王暕為齊王秋七月癸丑以衛尉卿衛立為工部尚書  
庚申制百官不得計考增級必有德行功能灼然顯著者擢之壬  
戌擢藩邸舊臣鮮于羅等二十七人官爵有差甲戌皇太子昭薨  
乙亥上柱國司徒楚國公楊素薨八月辛卯封皇孫倓為燕王侗  
為越王諱為代王九月乙丑立秦孝王俊子浩為秦王冬十月戊  
子以靈州刺史段文振為兵部尚書十二月庚寅詔曰前代帝王  
因時創業君民建國禮尊南面而歷運推移年世永久丘壟殘毀  
樵牧相趨塋兆堙蕪封樹莫辨興言淪滅有愴于懷自古已來帝  
墓可給隨近十戶蠲其雜役以供守視三年春正月癸亥勅  
羣臣已派配而逃亡者所獲之處即宜斬決景子長星貫天  
二旬而上是月武陽郡上言河水清二月己丑彗星見



車駕還京師王子以大將軍姚辯為左屯衛將軍癸丑  
馴尉朱寬使於涼求國乙卯河間王弘薨夏四月庚辰詔曰  
亡者帝王觀風問俗皆所以憂勤兆庶安集遐荒自蕃夷內附未  
遑親撫山東經亂須加存卹今欲安輯河北巡省趙魏所司依式  
甲申頒律令大赦天下關內給復三年壬辰改州為郡改度量權  
衡並依古式改上柱國已下官為大夫甲午詔曰天下之重非獨  
治所安帝王之功豈一士之略自古明君哲后立政經邦何嘗不  
選賢與能收採幽滯周稱多士漢號得人常想前風載懷欽佇朕  
負展夙興冕旒待且引領巖谷實以周行異與羣才共康庶績而  
彙茅寂寞投竿罕至豈美璞韜采未值良工將介石在懷確乎難  
拔永鑒前哲憮然興歎凡厥在位辭諸股肱若濟巨川義同舟楫  
豈得保茲寵祿晦爾所知優遊卒歲甚非謂也祁大夫之舉善良  
更以為至公臧文仲之蔽賢尼父譏其糶伍求諸往古非無褒貶

宜思進善用臣實薄夫孝悌有聞人倫之本德行敦厚立身之基  
或節義可稱或操履清絜所以激貪厲俗有益風化強毅正直執  
憲不撓學業優敏文才美秀並為廊廟之用寔乃瑚璉之資才堪  
將略則拔之以禦侮膂力驍壯則任之以爪牙爰及一藝可取亦  
宜採錄眾善畢舉與時無棄以此求治庶幾非遠文武有職事者  
五品已上宜依令十科舉人有一於此不必求備朕當待以不次  
隨才升擢其見任九品已上官者不在舉送之限景申車駕北巡  
狩丁酉以刑部尚書宇文弼為禮部尚書戊戌勅百司不得踐暴  
禾稼其有須開為路者有司計地所收即以近倉酬賜務從優厚  
己亥次赤岸澤以太牢祭故太師李穆墓五月丁巳突厥啓民可  
汗子拓特勤來朝戊午發河北十餘郡丁男鑿太行山達于并  
通馳道景寅啓民可汗遣其兄子毗黎迦特勤來朝辛未啓  
遣使請自入塞奉迎輿駕上不許癸酉有星孛于文昌上  
岳六小云已覺於連谷丁亥詔曰律官



禮之大者然則質文異代損益殊時學以  
禮隆廟堂制度師說不同所以世數多少莫能是正連室  
亦無準定朕獲奉祖宗欽承景業永惟嚴配思隆大典於是  
謀在位博訪儒術咸以為高祖文皇帝受天明命奄有區夏拯  
羣飛於四海革凋弊於百王恤獄緩刑生靈皆遂其性輕徭薄賦  
比屋各安其業恢夷宇宙混壹車書東漸西被無思不服南征北  
怨俱荷來蘇駕氐乘風歷代所弗至辨髮左衽聲教所罕及莫不  
歌角關塞頓頽闕庭譚靡絕時書無虛月韜戈偃武天下晏如嘉  
瑞休徵表裏禔福猗歟偉歟無得而名者也朕又聞之德厚者流  
光治辨者禮縟是以周之文武漢之高光其典章特立謚號斯重  
豈非緣情稱述即崇顯之義乎高祖文皇帝宜別建廟宇以彰魏  
巍之德仍遵月祭用表蒸蒸之懷有司以時創造務合典制又名  
位既殊禮亦異等天子七廟事著前經諸侯二昭義有差降故其  
以多為貴王者之禮今可依用貽厥後昆戊子次榆林郡丁酉啓

民可汗來朝己亥吐谷渾高昌並遣使貢方物甲辰上御北樓觀  
漁于河以宴百寮秋七月辛亥啓民可汗上表請變服襲冠帶詔  
啓民贊拜不名位在諸侯王上甲寅上於郡城東御大帳其下備  
儀衛建旌旗宴啓民及其部落三千五百人奏百戲之樂賜啓民  
及其部落各有差景子殺光祿大夫賀若弼禮部尚書宇文弼太  
常卿高頴尚書左僕射蘇威坐事免發丁男百餘萬築長城西距  
榆林東至紫河一旬而罷死者十五六八月壬午車駕發榆林乙  
酉啓民飾廬清道以候乘輿帝幸其帳啓民奉觴上壽宴賜極厚  
上謂高麗使者曰歸語爾王當早來朝見不然者吾與啓民巡彼  
土矣皇后亦幸義城主帳己丑啓民可汗歸蕃癸巳入樓煩關壬  
寅次太原詔營晉陽宮九月己未次濟源幸御史大夫張衡宅宴  
歡己巳至于東都壬申以齊王暉為河南尹開府儀同三司  
人民部尚書楊文思為納言

月乙巳詔發河北諸郡男女百餘萬開未濟渠引沁水



北通涿郡庚戌百寮大射於元武殿丁卯賜城內居民  
石壬申以太府卿元壽爲內史令鴻臚卿楊玄感爲禮部  
癸酉以工部尚書衛立爲右候衛大將軍大理卿長孫熾爲  
民部尚書二月己卯遣司朝謁者崔毅使突厥處羅致汗血馬三  
月辛酉以將作大匠宇文愷爲工部尚書壬戌百濟倭赤土迦羅  
舍國並遣使貢方物乙丑車駕幸五原因出塞巡長城景寅遣屯  
田主事常駿使赤土致羅罽夏四月景午以離石之汾源臨泉鴈  
門之秀容爲樓煩郡起汾陽宮癸丑以河內太守張定和爲左屯  
衛大將軍乙卯詔曰突厥意利珍且啓民可汗率領部落保附關  
塞遵奉朝化思改戎俗頻入謁覲屢有陳請以氈牆毳幕事窮荒  
陋上棟下宇願同比屋誠心懇切朕之所重宜於萬壽戎置城造  
屋其帷帳牀褥已上隨事量給務從優厚稱朕意焉五月壬申蜀  
郡獲三足烏張掖獲玄狐各一秋七月辛巳發丁男二十餘萬築  
長城自榆谷而東乙未左翊衛大將軍宇文述破吐谷渾於曼頭

赤水八月辛酉親祠恒岳河北道郡守畢集大赦天下車駕所經  
郡縣免一年租調九月辛未徵天下鷹師悉集東京至者萬餘人  
戊寅彗星出於五車掃文昌至房而滅辛巳詔免長城役者一年  
租賦冬十月景午詔曰先師尼父聖德在躬誕發天縱之姿憲章  
文武之道命世膺期蘊茲素王而頽山之歎忽踰於千祀盛德之  
美不存於百代永惟懿範宜有優崇可立孔子後爲紹聖侯有司  
求其苗裔錄以申上辛亥詔曰昔周王下車首封唐虞之胤漢帝  
承曆亦命殷周之後皆所以褒立先代憲章在昔朕嗣膺景業傍  
求雅訓有一弘益欽若令典以爲周兼夏殷文質大備漢有天下  
車書混一魏晉沿襲風流未遠並宜立後以存繼絕之義有司可  
求其胄緒列聞乙卯頒新式於天下

年春正月景子改東京爲東都癸亥詔天下均田戊子上自東  
京師已丑制民間鐵義搭鉤積刃之類皆禁絕之太守每歲  
景迹二月戊戌次子閔鄉詔祭古帝王陵及開皇功臣



夏四月己亥大獵於隴西王寅高昌吐谷渾伊吾並遣使來朝乙巳次狄道党項羌來貢方物癸亥出臨津關度黃河至西平陳兵講武五月乙亥上大獵於拔延山長圍周亘二千里庚辰入長寧谷度星嶺甲申宴羣臣於金山之上景戌梁浩豐御馬度而橋壞斬朝散大夫黃旦及督役者九人吐谷渾主率眾保覆表川帝分命內史元壽南屯金山兵部尚書段文振北屯雪山太僕卿楊義臣東屯琵琶峽將軍張壽西屯泥嶺四面圍之渾主伏允以數十騎遁出遣其名王詐稱伏允保車我具山壬辰詔右屯衛大將軍

張定和往捕之定和挺身挑戰為賊所殺亞將柳武建擊破之斬首數百級甲午其仙頭正被圍窮賊率男女十餘萬口來降六月丁酉遣左光祿大夫梁默右翊衛將軍李瓊等追渾主皆遇賊死之癸卯經大斗拔谷山路隘險魚貫而出風霰晦冥與從官相失士卒凍死者大半景午次張掖辛亥詔諸郡學業該通才藝優洽膂力驍壯超絕等倫在官勤舊堪理政事立性正直不避強禦四科舉人王子高昌王麴伯雅來朝伊吾吐屯設等獻西域數千里之地上大悅癸丑置西海河源郡普且末等四郡景辰上御觀風行殿盛陳文物奏九部樂設魚龍曼延宴高昌王吐屯設於殿上以寵異之其蠻夷陪列者三十餘國戊午大赦天下開皇已來流配悉放還鄉晉陽逆黨不在此例隴右諸郡給復一年行經之所二年秋七月丁卯置馬牧於青海渚中以求龍種無效而止

大車駕入長安冬十月癸亥詔曰優德尚齒載之典訓尊

尊子斷能為師取非筋力之元老克壯其



不至於是也。以九眉黃髮更令收念。才官未傷。年七十已  
治行其弘益。今歲耆老赴集者。可於近郡處置。年七十已  
力患沉滯。不堪居職。即給賜帛送還本郡。其官至七品已上者  
量給廩以終厥身。十一月景子車駕幸東都。

六年春正月癸亥朔旦有盜數十人皆素冠練衣焚香持華自稱  
彌勒佛入自建國門監門者皆稽首既而奪衛士仗將為亂齊王  
暕遇而斬之於是都下大索與相連坐者千餘家丁丑用抵大戲  
於端門街天下奇伎異藝畢集終月而罷帝數微服往觀之己丑  
倭國遣使貢方物二月乙巳武貴郎將陳稜朝請大夫張鎮州擊  
流求破之獻俘萬七千口頒賜百官乙卯詔曰夫帝圖草創王業  
艱難成仗股肱叶同心德用能拯厥頹運克膺大寶然後疇庸茂  
賞開國承家誓以山河傳之不朽近代喪亂四海未一茅土妄假  
名實相乖歷茲永久莫能懲革皇運之初百度伊始猶循舊貫未  
暇改作今天下交泰文軌攸同宜率遵先典永垂大訓自今已後

唯有功勳乃得賜封仍令子孫承龍景辰改封安德王雄為觀王  
河間王子慶為郇王庚申徵魏齊周陳樂人悉配太常三月癸亥  
幸江都宮甲子以鴻臚卿史祥為左驍衛大將軍夏四月丁未宴  
江淮已南父老頒賜各有差六月辛卯室韋赤土並遣使貢方物  
壬辰鴈門賊帥尉文通聚眾三千保於莫僻谷遣鷹揚揚伯泉擊  
破之甲寅制江都太守秩同京尹冬十月壬申刑部尚書梁毗卒  
壬子民部尚書銀青光祿大夫長孫熾卒十二月己未左光祿大  
夫吏部尚書牛弘卒辛酉朱崖人王萬昌舉兵作亂遣隴西太守  
韓洪討平之

七年春正月壬寅左武衛大將軍光祿大夫具定侯郭衍卒二月  
己未上封釣臺臨揚子津大宴百寮頒賜各有差庚申百濟遣使  
具乙亥上自江都御龍舟入通濟渠遂幸于涿郡壬午詔曰武  
先以安民政有六本興之以教義高麗高元虧失藩禮  
述左次宣勝略雖懷伐國仍事自方今往涿郡也無民



郡及山西山北年六十已上者皆授  
戶丁亥右光祿大夫左屯衛大將軍姚辯卒夏四月庚午  
郡之臨朔宮五月戊子以武威太守樊子蓋為民部尚書秋  
大水山東河南漂沒三十餘郡民相賣為奴婢冬十月乙卯底柱  
山崩偃河逆流數十里戊午以東平太守吐萬緒為左屯衛大將  
軍十二月己未西面突厥處羅多利可汗來朝上大悅接以殊禮  
于時遼東戰士及餽運者填咽於道晝夜不絕苦役者始為羣盜  
甲子勅都尉鷹揚與郡縣相知追捕隨獲斬決之

帝紀第三

隋書三

帝紀第四

隋書四

煬帝下

特進臣魏徵上

八年春正月辛巳大軍集于涿郡以兵部尚書段文振為左候衛  
大將軍壬午下詔曰天地大德降繁霜於秋令聖哲至仁著甲兵  
於刑典故知造化之有肅殺義在無私帝王之用干戈蓋非獲已  
版泉丹浦莫匪龍行取亂覆昏咸由順動况乎甘野誓師夏開承  
大禹之業商郊問罪周發成文王之志永監前載屬當朕躬與我  
有隋誕膺靈命兼三才而建極一六合而為家提封所漸細柳盤  
桃之外聲教爰暨紫舌黃枝之域遠至邇安罔不和會功成治定  
於是乎在而高麗小醜迷昏不恭崇聚勃碣之間荐食遼穢之境  
復漢魏誅戮巢窟暫傾亂離多阻裡落還集萃川藪於往代  
繫以迄今瞻彼華壤翦為夷類歷年永久惡稔既盈天道禍  
屯亂常敗德非可勝圖掩覆豈不毒唯曰不足移告之嚴



朝觀之禮莫肯躬親誘納亡叛不知紀極无片邊至  
候關併以之不靜生人爲之廢業在昔薄伐已漏天網既緩  
以爲之戮未即後服之誅曾不懷恩爲長惡乃兼契丹之黨度  
劉海戎習鞞鞬之服侵軼遼西又青丘之表咸修職貢碧海之濱  
同稟正朔遂復效攘琛賫過絕往來虐及弗辜誠而遇禍輶軒奉  
使爰暨海東旌節所次途經藩境而擁塞道路拒絕王人無事君  
之心豈爲臣之禮此而可忍孰不可容且法令苛酷賦斂煩重強  
臣豪族咸執國鈞朋黨比周以之成俗賄貨如市冤枉莫申重以  
仍歲災凶比屋饑饉兵戈不息徭役無期力竭轉輸身填溝壑百  
姓愁苦爰誰適從境內哀惶不勝其弊迴首面內各懷性命之圖  
黃髮稚齒咸興酷毒之歎省俗觀風爰屆幽朔弔人問罪無俟再  
駕於是親摠六師用申九伐拯厥阨危協從天意殄茲逋穢剋嗣  
先謨今宜授律啓行分麾屆路掩勃澥而雷震歷夫餘以電掃北  
戈按甲誓旅而後行先今五申必勝而後戰左第一軍可鑊方道

第二軍可長岑道第三軍可海真道第四軍可蓋馬道第五軍可  
建安道第六軍可南蘇道第七軍可遼東道第八軍可玄菟道第  
九軍可扶餘道第十軍可朝鮮道第十一軍可沃沮道第十二軍可  
樂浪道右第一軍可黏蟬道第二軍可含資道第三軍可渾彌道  
第四軍可臨屯道第五軍可候城道第六軍可提奚道第七軍可  
踏頓道第八軍可肅慎道第九軍可碣石道第十軍可東曉道第  
十一軍可帶方道第十二軍可襄平道凡此衆軍先奉廟略駱驛  
引途摠集平壤莫非如豺如貔之勇百戰百勝之雄顧眄則山岳  
傾頽叱咤則風雲騰鬱心德攸同爪牙斯在朕躬馭元戎爲其節  
度涉遼而東循海之右解倒懸於遐裔問疾苦於遺黎其外輕齎  
遊關隨機赴響卷甲銜枚出其不意又滄海道軍舟艦千里高飄  
逝巨艦雲飛橫斷沮江逕造平壤嶺之望斯絕坎井之路已  
斷髮左袵之人控弦待發微盧彭濮之旅不謀同辭杖順  
勇以此衆戰勢等摧枯然則三者之師義存止殺聖



也勝殘天罰有罪本在元惡二多僻脅從臣若高  
韓門自歸司寇即宜解縛焚觀弘之以恩其餘臣人歸朝  
順威加慰撫各安生業隨才任用無隔夷夏營壘所次務在整  
肅芻蕘有禁秋毫勿犯布以恩宥諭以禍福若其同惡相濟抗拒  
官軍國有常刑俾無遺類明加曉示稱朕意焉摠一百一十三萬三  
千八百號二百萬其餽運者倍之癸未第一軍發終四十日引師  
乃盡旌旗亘千里近古出師之盛未之有也乙未以右候衛大將  
軍衛玄為刑部尚書甲辰內史令元壽卒二月甲寅詔曰朕觀風  
燕裔問罪遼瀆文武叶力爪牙思奮莫不執銳勤王捨家從役罕  
蓄倉廩之資兼損播殖之務朕所以夕惕愀然慮其匱乏雖復素  
餽之衆情在忘私悅使之人宜從其厚諸行從一品以下伏飛募  
人以上家口郡縣宜數存問若有糧食乏少皆宜賑給或雖有田  
疇貧弱不能自耕種可於多丁富室勸課相助使夫居者有斂積  
之豐行役無顧後之慮壬戌司空京兆尹光祿大夫觀王雄薨三

月辛卯兵部尚書左候衛大將軍段文振卒癸巳上御師甲子臨  
戎于遼水橋戍戍大軍為賊所拒不果濟右屯衛大將軍左光祿  
大夫麥鐵杖武貴郎將錢士雄孟金义等皆死之甲午車駕度遼  
大戰于東岸擊賊破之進圍遼東乙未大頓見二大鳥高丈餘皜  
身朱足游泳自若上異之命工圖寫并立銘頌五月壬午納言楊  
達卒于時諸將各奉旨不敢赴機既而高麗各城守攻之不下六  
月己未幸遼東責怒諸將止城西數里御六合城七月壬寅宇文  
述等敗績于陸水右屯衛將軍辛世雄死之九軍並陷將帥奔還  
亡者二千餘騎癸卯班師九月庚寅上至東都已丑詔曰軍國異  
容文武殊用匡危拯難則霸德攸興化人成俗則王道斯貴時方  
撥亂屠販可以登朝世屬隆平經術然後升仕豐都爰摩儒服無  
于周行建武之朝功臣不參于吏一自三方未一四海交爭不  
尚武功設官分職罕以才授班朝治人乃由勲敘莫非  
出自勇夫數學之貴既所不習二文事之方故亦無取是



已威福專於下吏貪貨賄不

今已後諸授勳官者並不得回授文武職事庶遵彼更張

類於調瑟求諸名製不傷于美錦右吏部輒擬用者御史即宜糾彈冬十月甲寅工部尚書宇文愷卒十一月己卯以宗女華容公主嫁于高昌辛巳光祿大夫韓壽卒甲申敗將宇文述于仲文等並除名為民斬尚書右丞劉士龍以謝天下是歲大旱疫人多死山東尤甚密詔江淮南諸郡閱視民間童女姿質端麗者每歲貢之

九年春正月丁丑徵天下兵募民為驍果集于涿郡壬午賊帥杜彥冰王潤等陷平原郡大掠而去辛卯置折衝果毅武勇雄武等郎將官以領驍果之未平原李德逸聚眾數萬稱阿舅賊劫掠山東靈武白榆妄稱奴賊劫掠牧馬北連突厥隴右多被其患遣將軍范貴討之連年不能剋戊戌大赦己亥遣代王諱刑部尚書衛玄鎮京師辛丑以右驍衛將軍李渾為右驍衛大將軍二月己未

濟北人韓進洛聚眾數萬為羣盜壬午復宇文述等官爵之徵兵討高麗二月景子濟陰人孟海公起兵為盜眾至數萬丁丑發丁男十萬城大興戊寅幸遼東以越王侗民部尚書樊子蓋留守東都庚子北海人郭方頂聚徒為盜自號盧公眾至三萬攻陷郡城大掠而去夏四月庚午車駕度遼壬申遣宇文述楊義臣趣平壤五月丁丑熒惑入南斗己卯濟北人甄寶車聚眾萬餘寇掠城邑六月乙巳禮部尚書楊玄感反於黎陽景辰玄感逼東都河南賁務裴弘策拒之反為賊所敗戊辰兵部侍郎斛斯政奔于高麗庚午上班師高麗犯後軍勅右武衛大將軍李景為後拒遣左翊衛大將軍宇文述左候衛將軍屈突通等馳傳發兵以討玄感秋七月己卯令所在發人城縣府驛癸未餘杭人劉元進舉兵反眾至萬八月壬寅左翊衛大將軍宇文述等破楊玄感於閩鄉斬之

癸卯吳人朱燮晉陵人管崇擁眾十萬餘自稱將軍寇

驍果之家獨免賊及丁未詔

係城去首



之戊申制盜賊籍以其家之卯即帥陳真等  
安可辛酉司農卿光祿大夫葛國公趙元淑以罪伏誅九月  
乙卯滑陰人吳海流東海人彭孝才一舉兵為盜眾數萬庚辰賊  
帥梁慧尚率眾四萬陷蒼梧郡甲午車駕次上谷以供費不給上  
大怒免太守虞荷等官丁酉東陽人李三兒向但子舉兵作亂眾  
至萬餘閏月己巳幸博陵庚午上謂侍臣曰朕昔從先朝周旋於  
此年甫八歲日月不居條經三紀追惟平昔不可復希言未卒流  
涕嗚咽侍衛者皆泣下沾襟冬十月丁丑賊帥呂明星率眾數千  
圍東郡武賁郎將費青奴擊斬之乙酉詔曰博陵昔為定州地居  
衝要先皇歷試所基王化斯遠故以道冠幽風義高姚邑朕巡撫  
氓庶爰屆茲邦瞻望郊廛緬懷訖止思所以宣播德澤覃被下人  
崇紀顯號式光令緒可改博陵為高陽郡赦境內死罪已下給復  
一年於是召高祖時故吏皆量材授職壬辰以納言蘇威為開府  
儀同三司朱熒管崇推劉元進為天子遣將軍吐萬緒魚俱羅討

之連年不能尅齊人孟詵王薄等眾十餘萬據長白山攻剽諸郡  
清河賊張金稱眾數萬勃海賊帥格謙自號燕王孫宣雅自號齊  
王眾各十萬山東苦之丁亥以右候衛將軍郭榮為右候衛大將  
軍十一月己酉右候衛將軍馮孝慈討張金稱於清河反為所敗  
孝慈死之十二月甲申車裂玄感弟朝請大夫積善及黨與十餘  
人仍焚而揚之丁亥扶風人向海明舉兵作亂稱皇帝建元白鳥  
遣太僕卿楊義臣擊破之

丁酉春正月甲寅以宗女為信義公主嫁於突厥曷娑那可汗二  
月辛未詔百寮議伐高麗數日無敢言者戊子詔曰竭力王役致  
身戎事咸由徇義莫匪勤誠委命草澤棄骸原野興言念之每懷  
愍惻往年出車問罪將屆遼瀆廟筭勝略具有進止而諒愔凶罔  
成敗高頑復很本無智謀臨三軍猶兒戲視人命如草芥不遵  
貽撓退遂令死亡者眾不及埋藏今宜遣使人分道收葬  
西郡立道場一所恩加泉壤庶月窮鬼之怨



惠辛卯詔曰黃帝五十二戰

九渡二十一

公行天下盧芳小盜漢祖尚且親戎隗囂餘燼光武猶自  
隴山不欲除暴止戈勞而後逸者朕纂承寶業君臨天下日  
所照風雨所沾孰非我臣獨隔聲教最爾高麗僻居荒表鷓鴣張  
狼噬侮慢不恭抄竊我邊垂侵軼我城鎮是以去歲出軍問罪遼  
碣殪長蛇於玄菟戮封豕於襄平扶餘衆軍風馳電逝追奔逐北  
徑踰沮水滄海舟楫衝賊腹心焚其城郭汙其宮室高元伏鎖泥  
首送款軍門尋請入朝歸罪司寇朕以許其改過乃詔班師而長  
惡靡俊宴安鳩毒此而可忍孰不可容便可分命六師百道俱進  
朕當親執武節臨御諸軍秣馬丸都觀兵遼水順天誅於海外救  
窮民於倒懸征伐以正之明德以誅之止除元惡餘無所問若有  
識存亡之分悟安危之機翻然北首自求多福必其同惡相濟抗  
拒玉師若火燎原刑茲無赦有司便宜宣布咸使知聞下西扶風  
唐弼舉兵反衆十萬推李弘為天子自稱唐王三月壬子行幸

涿郡癸亥次臨渝宮親御戎服禡祭黃帝斬叛軍者以疊鼓夏四

月辛未彭城賊張大彪聚衆數万保懸薄山為盜遣榆林太守董

純擊破斬之甲午車駕次北平五月庚子詔舉郡孝悌廉潔各十

人壬寅賊帥宋世謨陷琅邪郡庚申延安人劉迦論舉兵反自稱

皇王建元大世六月辛未賊帥鄭文唯林寶護等衆三萬陷建安

郡太守楊昱祥死之秋七月癸丑車駕次懷遠鎮乙卯曹國遣使

貢方物甲子高麗遣使請降囚送斛斯政上大悅八月己巳班師

庚午右衛大將軍左光祿大夫鄭榮卒冬十月丁卯上至東都已

丑還京師十一月景申支解斛斯政於金光門外乙巳有事於南

郊己酉賊帥司馬長安破長平郡乙卯離石胡劉苗王舉兵反自

稱天子以其弟六兒為永安王衆至數萬將軍潘長文討之不能

是月賊帥王德仁擁衆數萬保林慮山為盜十二月壬申上如

其日大赦天下戊子入東都庚寅賊帥孟讓衆十餘萬據都

部郡丞王世充擊之盡虜其衆



正月甲午朔大宴百寮突厥羅靺鞨畢大爾訶  
烏那身波臘吐火羅俱慮建忽論靺鞨訶多沛汗龜茲踈勒于  
與安國曹國何國穆國畢衣密失范尼伽折契丹等國並遣使朝  
貢戊戌武賁郎將高建毗破賊帥顏宜政於齊郡虜男女數千口  
乙卯大會蠻夷設魚龍曼延之樂頒賜各有差二月戊辰賊帥楊  
仲緒率衆萬餘攻北平滑公李景破斬之庚午詔曰設險守國著  
自前經重門禦暴事彰往策所以宅土寧邦禁邪固本而近代戰  
爭居人散逸田疇無伍郭郭不修遂使遊惰寔繁寇數未息今天  
下平一海內晏如宜令人悉城居田隨近給使強弱相容力役兼  
濟穿窬無所厝其姦究蕪蒲不得聚其逋逃有司具爲事條務令  
得所景子土谷人王須拔反自稱漫天王國號燕賊帥魏刀兒自  
稱歷山飛衆各十餘萬北連突厥南寇趙三月丁酉殺右驍衛大  
將軍光祿大夫郟公李渾將作監光祿大夫李敞並族滅其家癸  
卯賊帥司馬長安破西河郡己酉幸太原避暑汾陽宅秋七月己

亥淮南人張起緒舉兵盜衆至三萬辛丑光祿大夫右禦衛大  
將軍張壽卒八月乙丑巡北塞戊辰突厥始畢可汗率騎數十萬  
謀襲乘輿義成公主遣使告變壬申車駕馳幸鴈門癸酉突厥圍  
城官軍頻戰不利上大懼欲率精騎潰圍而出民部尚書樊子蓋  
固諫乃止齊王暕以後軍保于崞縣甲申詔天下諸郡募兵於是  
守令各來赴難九月甲辰突厥解圍而去丁未曲赦太原鴈門郡  
死罪已下冬十月壬戌上至于東都丁卯彭城人魏驥驎聚衆萬餘  
爲盜寇魯郡壬申賊帥盧明月聚衆十餘萬寇陳汝間東海賊帥  
李季通擁衆度淮自號楚王建元明政寇江都十一月乙卯賊帥王  
須拔破高陽郡十二月戊寅有大流星如斛墜明月營破其衝車  
庚辰詔民部尚書樊子蓋發關中兵討絳郡賊尙盤陀柴保昌等  
不能尅譙郡人朱榮擁衆數十萬寇荆襄僭稱楚帝建元昌  
南諸郡多爲所陷焉  
正月甲午鴈門人羣松柏起於靈丘衆屯女高



已未真臘國遣使貢方物甲子化有二大鳥似鳳羽  
之狀止于御幄至明而去癸亥東海賊盧公暹率眾萬餘保于  
君山及四月丁巳顯陽門災癸亥魏元見所部將甄翟兒復號歷  
山飛眾十萬轉寇太原將軍潘長文討之反為所敗長文死之五  
月景戌朔日有蝕之既癸巳大流星隕于吳郡為石壬午上於景  
華宮徵求螢火得數斛夜出遊山放之光徧巖谷秋七月壬戌民  
部尚書光祿大夫濟北公樊子蓋卒甲子幸江都宮以越王侗光  
祿大夫段達大府卿元文都檢校民部尚書韋津右武衛將軍皇  
甫無逸右司郎盧楚等摠留後事奉信郎崔民象以盜賊充斥於  
建國門上表諫不宜巡幸上大怒先解其頤乃斬之戊辰馮翊人  
孫華自號摠管舉兵為盜高涼通守洗瑤徹舉兵作亂嶺南溪洞  
多應之己巳熒惑守羽林月餘乃退車駕次汜水奉信郎王愛仁  
以盜賊日盛諫上請還西京上怒斬之而行八月乙巳賊帥趙萬  
海眾數十萬自恒山寇高陽壬子有大流星如斗出王良閣道澤

如隕牆癸丑六流星如彗出羽林九月丁酉東海人杜揚州沈覓  
敵等作亂眾至數萬右禦衛將軍陳稜擊破之戊午有二枉矢出  
北斗魁委曲蛇形注於南斗壬戌安定人荔非世雄殺臨涇令舉  
兵作亂自號將軍冬十月己丑開府儀同三司左翊衛大將軍光  
祿大夫許公宇文述薨十二月癸未鄱陽賊操天成舉兵反自號  
元興王建元始興攻陷豫章郡乙酉以右翊衛大將軍來護兒為  
開府儀同三司行左翊衛大將軍壬辰鄱陽人林士弘自稱皇帝  
國號楚建元太平攻陷九江廬陵郡唐公破甄翟兒於西河虜男  
女數千口

十三年春正月壬子齊郡賊杜伏威率眾度淮攻陷歷陽郡景辰  
勃海賊竇建德設壇於河間之樂壽自稱長樂王建元丁丑辛巳  
帥徐圓即率眾數千破東平郡弘化人到山成聚眾萬餘人為  
首共之二月壬午朔方人梁師都殺郡丞唐世宗據郡反自  
號銀青光祿大夫張世隆擊之反為所敗戊子城中



七郡已丑馬邑校尉劉武周殺太守王仁恭

自稱定楊可汗庚寅賊帥李密翟讓等陷興洛倉越王  
遣武賁郎將劉長恭光祿少卿房山擊之反為所敗死者十五  
六庚子李密自號魏公稱元年開倉以振羣盜眾至數十萬河南  
諸郡相繼皆陷焉壬寅劉武周破武賁郎將王智辯于桑乾鎮智  
辯死之三月戊午盧江人張子路舉兵反遣右禦衛將軍陳稜討  
平之丁丑賊帥李通德眾十萬寇盧江左屯衛將軍張鎮州擊破  
之夏四月癸未金城校尉薛舉率眾反自稱西秦霸王建元秦興  
攻陷隴右諸郡己丑賊帥孟讓夜入東都外郭燒豐都市而去癸  
巳李密陷迴洛東倉丁酉賊帥房憲伯陷汝陰郡是月光祿大夫  
裴仁基淮陽太守趙佗等並以眾叛歸李密五月辛卯夜有流星  
如甕墜於江都甲子唐公起義師於太原景寅突厥數千寇太原  
唐公擊破之秋七月壬子熒惑守積屍景辰武威人李軌舉兵反  
攻陷河西諸郡自稱涼王建元安樂八月辛巳唐公破武牙郎將

宋老生於霍邑斬之九月己丑帝括江都人女寡婦以配從兵是  
月武陽郡丞元寶藏以郡叛歸李密與賊帥李文相攻陷黎陽倉  
彗星見於營室冬十月丁亥太原楊世洛聚眾萬餘人寇掠城邑  
景申羅令蕭銑以縣反鄱陽人董景珍以郡反迎銑於羅縣號為  
梁王攻陷傍郡戊戌武賁郎將高毗敗濟北郡賊甄寶車於嶮山  
十一月景辰唐公入京師辛酉遥尊帝為太上皇立代王侑為帝  
改元義寧上起宮丹楊將遜于江左有烏鵲來巢幄帳驅不能止  
熒惑犯太微有石自江浮入于揚子日光四散如流血上甚惡之  
二年三月右屯衛將軍宇文化及武賁郎將司馬德戡元禮監門直  
閤裴虔通將作少監宇文智及武勇郎將趙行樞鷹揚郎將孟景  
內史舍人元敏符璽郎李覆牛方裕于牛左右李本本弟孝質直  
許弘仁薛世良城門郎唐奉義醫正張愷等以驍果作亂入犯  
崩于温室時年五十蕭后令宮人撤牀篋為棺以埋之化  
德衛將軍陳稜奉梓宮於成不殿葬吳公臺下



生衆咸異之大唐平江南之後改葬雷塘初上自以  
不當立母矯情節行以釣虛名陰有奪宗之計時高祖雅信  
獻皇后而性忌妾媵皇太子勇內多嬖幸以此失愛帝後庭有  
子皆不育之示無私寵取媚於后大臣用事者傾心與交中使至  
第無貴賤皆曲承顏色申以厚禮婢僕往來者無不稱其仁孝又  
常私入宮掖密謀於獻后楊素等因機構扇遂成廢立自高祖大  
漸旣諒闇之中蒸淫無度山陵始就即事巡遊以天下承平日久  
士馬全盛慨然慕秦皇漢武之事乃盛治宮室窮極侈靡召募行  
人分使絕域諸蕃至者厚加禮賜有不恭命以兵擊之盛興屯田  
於玉門柳城之外課天下富室益市武馬匹直十餘萬富強坐是  
凍餒者十家而九帝性多詭譎所幸之處不欲人知母之一所輒  
數道置頓四海珍羞殊味水陸必備焉求市者無遠不至郡縣官  
人競爲獻食豐厚者進擢踈儉者獲罪茲吏侵漁內外虛竭頭會  
箕斂人不聊生于時軍國多務日不暇給帝方驕怠惡聞政事寃

屈不治奏請罕決又猜忌臣下無所專任朝臣有不合意者必構  
其罪而族滅之故高頴賀若弼先皇心膂參謀帷幄張衡李金才  
藩邸惟舊績著經綸或惡其直道或忿其正議求其無形之罪加  
以刎頸之誅其餘事君盡禮寒暑匪躬無辜無罪橫受夷戮者不  
可勝紀政刑弛紊賄貨公行莫敢正言道路以目六軍不息百役  
繁興行者不歸居者失業人飢相食邑落爲墟上不之恤也東西  
遊幸靡有定居母以供費不給逆收數年之賦所至唯與後宮流  
連耽酒惟日不足招迎姥媪朝夕共肆醜言又引少年令與宮人  
穢亂不軌不遜以爲娛樂區宇之內盜賊蜂起劫掠從官屠陷城  
邑近臣互相掩蔽隱賊數不以實對或有言賊多者輒大被詰責  
各求苟免上下相蒙每出師徒敗亡相繼戰士盡力必不加賞百  
姓無辜咸受屠戮黎庶憤怨天下土崩至於就擒而猶未之寤也  
上曰煬帝爰在弱齡早有令問南平吳會北却匈奴昆弟之中  
績於是矯情飾貌肆歡茲回故祖獻后鍾心文皇



遂登儲兩踐峻極之崇基承丕顯之休命地廣三代  
單于頓顙越裳重譯赤仄之泉流溢于都內紅腐之粟委積  
於塞下負其富強之資思逞無狀之欲狹殷周之制度尚秦漢之  
規摹恃才矜已傲很明德內懷險躁外示凝簡盛冠服以飾其姦  
除諫官以掩其過淫荒無度法令滋章教絕四維刑參五虐鋤誅  
骨肉屠勦忠良受賞者莫見其功爲戮者不知其罪驕怒之兵屢  
動土木之功不息頻出朔方三駕遼左旌旗萬里徵稅百端猾吏  
侵漁人不堪命乃急令暴條以擾之嚴刑峻法以臨之甲兵威武  
以董之自是海內騷然無聊生矣戢而玄感肇黎陽之亂匈奴有  
鴈門之圍天子方棄中土遠之楊越姦兇乘釁強弱相陵關梁閉  
而不通皇輿往而不反加以以師旅因之以饑饉依離道路轉死  
溝壑十八九焉於是相聚薶蒲蝟毛而起大則跨州連郡稱帝稱  
王小則千百爲羣攻城剽邑流血成川澤死人如亂麻炊者不及  
析骸食者不遑易子茫茫九土並爲麋鹿之場慄慄黔黎俱充蛇

豕之餌四方萬里簡書相續猶謂鼠竊狗盜不足爲虞上下相蒙  
莫肯念亂振蟬蛸之羽窮長夜之樂土崩魚爛貫盈惡稔普天之  
下莫匪仇讎左右之人皆爲敵國終然不悟同彼望夷遂以萬乘  
之尊死于一夫之手億兆靡感恩之士九牧無勤王之師子弟同  
就誅夷骸骨棄而莫掩社稷顛隕本枝殄絕自肇有書契以迄于  
茲宇宙崩離生靈塗炭喪身滅國未有若斯之甚也書曰天作孽  
猶可違自作孽不可追傳曰吉凶由人祗不妄作又曰兵猶火也  
不戢將自焚觀隋室之存亡斯言信而有徵矣



帝紀第五

隋書五

特進臣魏徵上

恭帝

恭皇帝諱侑元德太子之子也母曰韋妃性聰敏有氣度大業三年立為陳王後數載徙為代王邑萬戶及煬帝親征遼東令於京師摠留事十一年從幸晉陽拜太原太守尋鎮京師義兵入長安尊煬帝為太上皇奉帝纂業

義寧元年十一月壬戌上即皇帝位於大興殿詔曰王道喪亂天步不康古往今來代有其事屬之於朕逢此百罹波蒼者天胡寧斯忍襁褓之歲夙遭憫凶孺子之辰太上播越興言感動實疚于懷太尉唐公膺期作宰時稱舟楫大拯橫流糾合義兵翼戴皇室與國休戚再匡區夏爰奉明詔弼予幼冲顯命光臨天威咫尺對之身號悼心失圖一人在遠三讓不遂僉俛南面厝身無所苟利敢或違俯從羣議表尊聖旨可八赦天下改大業十三年



元年十一月十六日昧爽以前大辟罪已下皆赦除之  
不免者不在赦限甲子以光祿大夫大將軍太尉唐公為假  
黃鉞使持節大都督內外諸軍事尚書令大丞相進封唐王景寅  
詔曰朕惟孺子未出深宮太上遠巡追蹤穆滿時逢多難委當尊  
極辭不獲免恭己臨朝若涉大川罔知所濟撫躬永歎憂心孔棘  
民之情偽曾未之間王業艱難載云其易賴股肱勳力上宰賢良  
臣佐冲人輔其不逮軍國機務事無大小文武設官位無貴賤憲  
章賞罰咸歸相府庶績其疑責成斯屬逖聽前史茲為典故因循  
仍舊非曰徒言所存至公無為讓德己巳以唐王子隴西公建成  
為唐國世子敦煌公為京兆尹改封秦公元吉為齊公食邑各萬  
戶大原置鎮北府乙亥張掖康老和舉兵反十二月癸未薛舉自  
稱天子寇扶風秦公為元帥擊破之丁亥桂陽人曹武徹舉兵反  
建元通聖丁酉義師擒驍衛大將軍屈突通於閩鄉虜其眾數萬  
乙巳賊帥張善安陷廬江郡

二年春正月丁未詔唐王劔履上殿入朝不趨贊拜不名加前後  
羽葆鼓吹王戎將軍王世充為李密所敗河內通守孟善誼武貴  
郎將王辯楊威劉長恭梁德董智通皆死之庚戌河陽郡尉獨孤  
武都降於李密三月景辰右屯衛將軍宇文化及殺太上皇於江  
都宮右禦衛將軍獨孤盛死之齊王暕趙王果燕王倓光祿大夫  
開府儀同三司行右翊衛大將軍宇文協金紫光祿大夫內史侍  
郎虞世基銀青光祿大夫御史大夫裴蘊通議大夫行給事郎許  
善心皆遇害化及立秦王浩為帝自稱大丞相朝士文武皆受其  
官爵光祿大夫宿公麥才折衝郎將朝請大夫沈光同謀討賊夜  
襲化及營反為所害戊辰詔唐王備九錫之禮加璽紱遠遊冠綠  
綬綬位在諸侯王上唐國置丞相己下一依舊式五月乙巳朔詔  
唐王冕十有二旒建天子旌旗出警蹕金根車駕備五時副車  
頭雲罕車儻八佾設鍾虞宮王后王子王女爵命之號  
壬午詔曰天向背大行太上皇遇盜江都告喪



北懼予小子奄速不僇哀號承感心情糜潰仰情茶書  
靡申形影相弔罔知啓處相國唐王膺期命世扶危拯溺自止  
徂南東征西怨摠九合於一匡使百勝於千里糾率夷夏大庇  
黎保入朕躬繫王是賴德侔造化功格蒼昊旻兆庶歸心曆數斯在  
屈爲人臣載違天命在昔虞夏揖讓相推苟非重華誰堪命禹  
當今九服崩離三靈改卜大運去矣請避賢路兆謀布德顧己莫  
能私僮命駕須歸藩國子本代王及子而代天之所廢豈期如  
是庶憑稽古之聖以誅四凶幸值惟新之恩預充三恪雪冤恥  
於皇祖守禋祀爲孝孫朝聞夕殞及泉無恨今遵故事遜於舊  
邸庶官羣辟改事唐朝宜依前典趣上尊號若釋重負感泰  
兼懷假手真人俾除醜逆濟濟多士明知朕意仍勅有司凡有表  
奏皆不得以聞是日上遜位於大唐以爲鄴國公武德二年夏五  
月崩時年十五

史臣曰恭帝年在幼沖遭家多難一人失德四海土崩羣盜蜂起

豺狼塞路南巢遂往流豈不歸旣鍾百六之期躬踐數終之運謳  
歌有屬笙鐘變響雖欲不遵堯舜之迹其庸可得乎

帝紀第五

隋書五







卷之二